

Ciudadano disgusta ta critica falta di respet na Kapel di Alto Vista



Pagina 4

- **Mady-Anne a yega cas back sano y salvo despues di a desaparece pa dos dia**

Pagina 2

- **Cifranan ta indica cu exportacion di producto Venezolano pa Aruba ta 6.86%**

Pagina 3

- **Mañan ta ultimo dia di straatcollectie di FCVR**


Pagina 4

Atleta a hoga na Boca Catalina

Pagina 6




Corsou:
Ex-President di
Banco Central
condena pa
falsificacion di
documento



Pagina 8

Jamaica: Gobierno ta drenta modo di evaluacion despues di paso di huracan Beryl



Pagina 11

**TICKET SALE**
10%
DI DESKUENTO RIBA TUR TEKET
SALIDA TE KU 15 DI OCTOBER
LAST CALL
Bishita nos TUI shop | buk awor

TURISTA RIBA MI ISLA!

Triple Data
all Summer long!

Cumpra e pakete di **3GB** di
1 dia di **Afl. 5** y ricibi **9GB!**

Mady-Anne a yega cas back sano y salvo despues di a dispare pa dos dia

Mediante un post riba rednan social, ayera un mama a publica cu e tabata desespera “moviendo shelo y tera” pa por haya su yiu Mady-Anne ken a disparece diaranson ultimo ora el a sali for di su cas den oranan di merdia pero ayera

atardi mes su yiu tabata na cas back.

Den e post e mama di nomber Nana Vrolijk a expresa cu “Mady-Anne a sali for di cas ayera 1pm, for di merdia y a ser bisa cu ta na amiga e ta bay, MadyAnne No a yega cas

ainda for di ayera y tampoco nos no sa nada di dje, telefon ta paga! Madyanne a sali ayera den un short blanco strepia preto cu un top ros y slof na pia! Pa esnan cu sa of tin mi yiu na nan cas sin sa cu e mayornan ta preocupa pa nan yiu y no tin 2 placa di sinti den

nan cabes mi ta pidi boso cu tin e na cas manda mi yiu su cas paso ta cu polis lo mi bay sak’e afo si mi haya sa unda e ta! Y malo pa bo cu tine na cas sin puntra si su mayornan sa cu e ta caminda ke ta.”

Despues e mama a publica



un potret di su yiu y bandi dje un otro potret di un hoben cu supuestamente ta cu su yiu Mady-Anne pero cu tampoco a yega su cas ainda.

“Como mama mi ta moviendo shelo y tera pa mi yiu yega su cas! Mi a bay na un tal adres y e mayornan a bisa mi cu si mi yiu tabata eyan pero 5or nan a bay y nan no sa unda nan a bay. Como mama con boso por acepta menor di edad na boso cas sin puntra si e mayornan sa unda nan yiu ta? Suppose nan ta na Angochi mi no sa cerca ken pasobra nunca mi yiu sa bay ni un caminda cu no ta band’i cas. E mama su yiu cu yama un tal Junior Eduardo cu tambe suppose no a yega cas ainda. Nan a wak nan na rumshop na PCH, nan a wak nan band’i veld sportboys! cual ta caminda na Angochi cu e tal Junior a bisa su mama e lo ta. Mi ta pidi un suplica na cualkier persona cu wak mi yiu of sa unda e ta want’e y yama polis pa bin busk’e, tin casi 3or di atardi cu ainda mi yiu no a yega cas.”

Igualmente, el a laga sa cu el a bay warda di Polis pero e bon noticia a yega minuutnan despues di e publicacion unda a expresa cu su yiu ya caba tabata na su cas.



Superior Tobacco Company y Philip Morris ta lansa e IQOS ILUMA nobo na Aruba, acelerando su caminda pa un futuro liber di huma

- IQOS ILUMA's tobacco heating technology offers an improved and simpler smokeless and ashless experience.

- IQOS ILUMA seeks to improve the lives of adult smokers by offering them a better alternative to continuing to smoke combustible cigarettes.

Superior Tobacco Company, filial di Philip Morris International, a lansa na Aruba e IQOS ILUMA nobo, e ultimo innovacion den tecnologia di e asina yama ‘heated tobacco’, dirigi na humadonan adulto cu ta sigui huma, pa nan por cambia pa un alternativa cu menos riesgo cu huma cigaria convencional.

IQOS Iluma ta un evolucion di e artefacto, e asina yama ‘heated tobacco’ IQOS, cu a avansa pa otro nivel pa e experiencia di huma bira mas intuitivo y senciyo, na e mesun momento cu e ta reduci, aproximadamente, 95% di e exposicion di sustancianan toxico y potencialmente di e cigarianan tradicional.

Cu e lansamento di IQOS ILUMA na Aruba, Philip Morris International, ta extende su man hunto cu Superior Tobacco Company, pa continua cu su proposito global di contribui pa logra un futuro sin huma a traves di e desaroyo di productonan científicamente respalda sin candela.

“IQOS ILUMA ta disponibel na Aruba pa cambia e vida di hopi persona. Nos obhetivo ta pa logra cu mas humado adulto, di cu otro forma toch lo sigui huma, lo cambia pa un alternativa sin huma. Nos a desaroya e innovacionan tecnologico pa accelera e migracion aki, siñando di historia, pa motiva e usuarionan pa cambia, evoluciona y no bolbe bek na e cigarianan tradicional,” director general di Philip Morris pa Caribe Hulandes, Laureano Rodrigo ta splica.

Rodrigo a afirma ademas cu IQOS Iluma ta e resultado di scucha mas di 400 usuarionan IQOS ariba e mercado di Aruba y responde na nan sugerencia pa mehora y evoluciona.



IQOS Iluma ta obtenibel na:

Ling & Sons	Heng Sheng
Headz	Valero Palm Beach
Do it Center	Ton li Supermarket
Bubali Enterprises	New Wintergarden
Smart 180 Convenient Store	Qing Foodmart
Kong Hing Supermarket	Sunday Foodmart
Sing Fung	Kiki Supermarket
Prikichi Food Center	88 Food Mart
Tur dia Foodmart	Zhang's Super Center
Happy to go Supermarket	



“Como negoshi cu tin e consumidornan actual y potencial den su centro, nos ta innova continuamente nos produccionan pa satisface constantemente e necesidadnan di e usuarionan. E proposito ta pa tur e humadonan adulto, cu di tur forma lo sigui huma, dicidi di haci un cambio pa e alternativa aki sin huma y reduci e riesgo,” Laureano ta splica.

Evolucion di IQOS

IQOS ILUMA ta refleha e evolucion di e alternativanan sin huma y ta destaca pa su tecnologia avansa di e asina yama ‘heated tobacco’ pa medio di ‘induction’, cu no ta haci uzo di bletan ni ta requeri limpieza. Cu e sistema aki, e usuarionan no tin di preocupa pa e folio di keinta, e shinishi di tabaco of e limpieza. E tecnologia ta mas higienico compara cu e otro versionan anterior di e artefacto.

“Nos sa tambe cu e tecnologia nobo aki ta reduci e holo. Nos consumidonan adulto actual y den futuro lo por tin probecho di tur e beneficiannan aki,” Rodrigo ta aña.

IQOS ILUMA ta emiti mas o menos 95 porciento menos sustancianan kimico dañino compara cu e cigarianan tradicional[1], aunke ta importante pa señala cu e producto no ta sin riesgo.

E IQOS ILUMA nobo ta obtenibel den tres modelo: IQOS ILUMA PRIME, IQOS ILUMA and IQOS ILUMA ONE. Bale la pena pa menciona cu IQOS ILUMA ta dispone di su mesun unidannan di tabaco pa keintamento pa medio di ‘induction’: Unidannan di tabaco TERA. Esaki ta significa cu e unidannan di e generacionnan anterior di IQOS no por wordo uza, ya cu e por dañe e artefacto. Unidannan di TERA tampoco por wordo uza den IQOS of e otro artefactonan di otro generacion. Sin embargo, e sabornan di e unidannan TERA ta mescos cu esunan di HEETS uza den e versionnan anterior.

Cifranan ta indica cu exportacion di productonan Venezolano pa Aruba ta 6.86%

Despues di mas di un aña di reapertura di frontera, exportacionnan for di Venezuela pa Aruba ta di 245 ton loke ta representa un 6.86% segun cifranan publica recientemente pa Camara di Comercio di La Vela di Coro.

E organisacion a señala na e medio Cronicas del Caribe cu den ultimo 12 luna a manda 3.575 ton di productonan Venezolano pa islanan ABC, na unda e destino principal ta Corsou.

Den un aña exportacionnan for di e waf di La Vela di Coro, estado Falcon pa Aruba, Boneiro y Corsou a crece den un 273,91%, segun Camara di Comercio y Turismo di La Vela di Coro.

Nan ta sigura cu na mei 2023 a sali 115 ton di productonan Venezolano, mientras cu na mei di 2024 e cifra a subi te 315 ton.

E total di exportacion registra den ultimo 12 luna ta di 3.575 ton, e destino principal ta Corsou cu 3.330 ton (93.14%), despues Aruba cu 245 ton (6.86) unda e mercancia ta inclui frutanan, berdura, mata, carbon vegetal, pisca, materialnan di construccion, entre otro.

Aunke nan ta celebra e reactivacion di operacionnan comercial cu e islanan, e presidente di Camara di Comercio di La Vela di Coro, Juan Gotopo a bisa cu ta lamentabel cu e crecimiento di e intercambio “no a haci un impacto economico na municipio Colina, pasobra e aumento di consumo di bienes y servicio na nivel local no ta wordo refleha.”

“Mayoria di productonan cu ta exporta no ta produci akinan, ta bin for di otro estadonan manera Carabobo,



Yacacuy, Aragua, Lara y Los Andes Venezolano. E yamada ta pa uni esfuersonan entre sector publico y priva di e region pa crea programanan di incentivo y asina motiva e productor local di Falcon pa probecha e oportunidad aki,” Gotopo a bisa.

Bon Dia Aruba a puntra Gotopo riba e diferencia en-

tre envio di productonan di Corsou pa Aruba e cual ta hopi mas, el a contesta cu “E barconan pa Corsou y Aruba ta sali for di La Vela di Coro, historicamente e comercio di La Vela di Coro semper tabata cu Corsou, esun di Aruba ta sali for di e waf di Guaranao, Las Piedras, debi na e cercania. Pero exportadonan ta preferi di haci envio for di La Vela pa Aruba pero no ta hopi, sinembargo, ta bin aumentando poco a poco. E comercio cu Bonaire ta sali for di Tucacas y Corsou, pero esaki ta nos cifranan como Camara di Comercio di La Vela di Coro cu no ta inclui Guaranao ni Tucacas.”

Dia 6 di juni 2023, un cargamento di aproximadamente 85 ton di frutanan, berduranan y otro productonan a yega na waf di Barcadera for di Venezuela den e barconan El

Maracucho y La Gaviota na unda e capitannan y su tripulantenan a bay bin Aruba un biaha pa siman, manera nan a informa.

Entre e productonan cu nan a cuminsa trece tabatin tomati, awacati, promenton, keshi blanco, maizena, chuculati, banana, entre otro.

E tempo ey un di capitannan di e barco a solicita na Gobierno di Aruba pa considera e opcion pa nan mes lo por a bende nan mesun productonan directamente na consumidor, algo cu te ainda no a tuma luga.

Pa esaki, Prome minister Evelyn Wever-Croes den un conferencia e tempo ey a señala cu Aruba ta depende hopi di e comerciantenan, nan a tuma e decision di importado cumpra e mercancia

na e barconan pa motibo cu ta existi e rekisito di visa y pa personanan di e barconan aki bin y drenta na e waf di Playa nan tur mester di visa y esey na Venezuela no tabata considera como algo factibel na e momentonan ey.

“Nos mester yega na un arreglo cu nan no tin mester di visa y esaki ta e unico arreglo, bo ta yega na waf, bo ta keda na e parti sigura di e waf y e agencia ta esun cu ta cumpr’e,” prome minister a sigura na juni 2023.

E acuerdonan aki pa barconan por cuminsa bin na Aruba aña pasa no tabata algo nobo manera prome minister a sigura, tabata acuerdonan cu a aplica caba na 2018 ora presidente di Venezuela Nicolas Maduro a dicidi di cera e fronteranan unilateralmente y na mei di e mesun aña ey, ambos pais a yega na e convenio aki cu e personanan envolvi di estado Falcon ken a bin Aruba y a sinta cu gobierno pa tene un reunion y cuminsa aplica e acuerdonan aki.

Camara di Comercio di Aruba a solicita apertura di frontera cu Venezuela

Igualmente e medio Cronicas del Caribe na juni ultimo a publica un entrevista cu e presidente di e institucion aki Diederik Kemmerling, ken a menciona cu e medida di reapertura total di frontera cu Venezuela ta busca un ampliacion di intercambio comercial entre ambos pais, “Na Aruba nos ta importa hopi producto for di Merca y Hulanda cu prijsnan halto, ta importante tin conexion cu Venezuela pa importa berduranan y frutanan cu prijsnan mas economico. Na e momentonan aki a nos no ta importa ni exporta hopi for y pa Venezuela,” el a sigura.

Ademas, el a sigura cu nan a realiza misionnan comercial y a mantene reunionnan cu Gobierno di Venezuela pa busca e apertura di frontera, aunke te ainda no ta posibel debi na limitacionnan logistico na aeropuerto.

Tambe Kemmerling a afirma cu economia Venezolano a muestra señalnan di mehoracion, loke ta reforsa e posicion di Camara di Comercio pa duna importancia di mantene un relacion cercano cu e pais bisiaña.



Ciudadano disgusta ta critica falta di respet di parti di bishitantenan di Kapel di Alto Vista

Ariba rednan social e publicacion di un ciudadano local riba un pagina dedicada específicamente pa turistanan a ricibi basta reaccion. Ta trata di un ciudadano preocupa y alabes disgusta pa e falta di respet cu ta tuma luga na Kapel di Alto Vista di parti di algun turista, como tambe localnan.

“E post aki ta specialmente pa tur mi kerido amigonan local Y no-local y bishitantenan... Permeti mi haci un pregunta simpel: Tin algun lugar sagrado na bo pais cu ta permiti cu ken cu ta bay drenta cu un boter di cerbes den nan man y/of mita habri? Mi ta sinti hopi sorry pa bisa esaki pero un hende mester bisa: Esaki ta un falta di respet tremendo!,” e ciudadano indica den e texto cu tabata compaña pa dos potret: uno di un persona den kapel sin t-shirt y otro den kapel cu cerbes den man.

“Y bo sa kico mas? Cu algun hende no tin ni un tiki di berguensa y e actitud cu nan ta duna bo ora bo pidi nan pa




laga e lugar pasobra esaki NO ta aceptabel na Aruba! Definitivamente no ta parti di nos cultura! Por favor, tin un tiki di decencia y respet, e ta e minimo cu nos por pidi. Ma-sha danki,” el a termina.

Kapel di Alto Vista ta un luga di adoracion cu tin un gran bator historico y cultural. E kapel ta un testament di e herencia catolico di Aruba y awendia e ta para como un monumento stima y alabes un destinacion popular pa turistanan cu ta busca tranquilidad y consuelo spiritual.

Pa e ciudadanonan di Aruba

Kapel di Alto Vista tin un significado religioso y cultural profundo. E ta un luga caminda localnan ta bay pa celebra eventonan religioso y tur diamars 5:30 di atardi tin servicio di misa.

Como cualkier otro misa, ta spera cu hendenan ta tene nan mes na reglanan di sentido comun cu ta demostra respet pa un cas spiritual y religioso, manera por ehempel bisti decentemente, no drenta cu bebida alcoholico y no humamento den kapel, entre otro. Pero esaki, manera e ciudadano a demostra riba Facebook, no semper ta e caso.



E publicacion a ricibi basta reaccion, di parti di tanto turista como local. Den su mayoria hopi ta di acuerdo cu e punto di bista cu e ciudadano preocupa y disgusta. Ta señalá cu e ta berdaderamente un falta di respet pa drenta cualkier kapel, cualkier luga religioso di e forma aki, sin importa si bo ta turista disfrutando di bo vakantie of no.

Di otro banda tin usuarionan cu a señalá cu en berdad e ta un luga religioso cu mester respeta, pero net pafo di e cura di e kapel mes tin establecimiento cu ta bende bebidanan alcoholico y ademas tin tournan

cu ta pasa na e kapel despues di haci recorrido na otro partinan di Aruba, manera conchi y lama. Turistanan ta baha den bikini, zwempak of shorts pasobra esey ta loka nan a sali cune bisti, teniendo na cuenta e stopnan cu nan ta haci, e actividad riba su mes y sin lubida e clima di Aruba.

Por ultimo usuarionan ta lamenta cu esaki ta e tristo realidad y cu desafortunadamente e kapel ta ser considera mas un atraccion turistico, cu un santuario religioso y spiritual cu hendenan cu ta bishita e luga mester dun'e e respet cu e merece.

Mañan ta ultimo dia di straatcollectie di FCVR

Manera ta custumber Fundacion Contra Violencia Relacional (FCVR) ta organisa nan colecta riba caya pa recauda fondo pa asina cubri e gastonan di operacion di nan shelter di hende muhe, mucha, victima y sobreviviente di violencia domestico. Mañan diasabra 6 di juli ta ultimo dia di e colecta aki unda pueblo di Aruba tin oportunidad pa contribui y yuda e fundacion.

FCVR ta un fundacion cu ta existi pa mas di 25 aña. Hopi conoce e fundacion mas bien bou di e nomber di Fundacion pa Hende Muhe den Dificultad, pero algun aña pasa e nomber a cambia pa Fundacion Contra Violencia Relacional (FCVR).

E motibo pakico a cambia e nomber di e fundacion ta pasobra ora cu un persona scucha hende muhe den dificultad hopi biaha nan ta pensa cu e fundacion ta yuda solamente hende muhe, pero e fundacion kier a inclui e ser masculino tambe den e organisacion.



FCVR ta organisa algun biaha pa aña nan straatcollectie, colecta riba caya, pa asina purba recauda mas hopi fondo cu ta posibel pa por cubri e gastonan di operacionnan diario di e fundacion y esaki ta implica cubrimiento di gastonan di awa, gasolin, coriente, cuminda y tur otro cos cu ta encera operacionnan diario. E fundacion mes ta responsa-

bel pa tur gasto cu tin di haber cu nan clientenan y esaki ta inclui cuminda, paña, gasolin entre otro cu ta cay den e servicio cu nan ta ofrece especialmente pa nan clientenan di ayudo residencial.

Algun aña atras e fundacion a habri mas camber pa e ayudo aki y esaki naturalmente a trece mas gasto pa e funda-



cion. A pesar cu e fundacion ta ricibi subsidio for di gobierno recaudacionnan di fondo ta necesario pa por caba di cubri tur gasto.

E fundacion ta depende di e generosidad di pueblo di Aruba cu por duna nan donacion sea di forma financiero of material tambe. Algun di e localidadnan clave camin-

da ta bay tin boluntarionan di FCVR colectando mañan diasabra ta entre otro brug di Renaissance, dilanti di Imelda Kleuterschool y algun otro rotonde rond di e isla.

Potretnan: pagina di Facebook di Fundacion Contra Violencia Relacional.

Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)

Angenette Figuereo (closer editor)

Leo Maduro

Andreina Morillo

Raisa Montilla

Oriana Geerman

Ehecutivo di Benta

sulaika.croes@cspnv.com

Sulaika Croes

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion

accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press
Ret Karibense

Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800

Email: noticia@bondia.com
aviso@bondia.com
info@bondia.com

Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant redacta y imprimi na Aruba y ta obenibel di dialuna te cu diasabra. Ningun contenido por wordo reproduci sin permiso di editor.



Editorial

Sigur cu nunca ta... Haya un categoria 4 o 5...?

Con bon nos ta prepara pa un horcan of otro desastre natural? Un pregunta valido na e momento aki, unda nos por mira den nos region kico entrada tempran den temporada di un horcan di categoria 4/5, un categoria pisa cu normalmente ta presenta mas leu den e temporada, ta haci. Esey por sirbi como un 'wake-up call' pa henter e region, incluyendo nos mes.

Claro cu nos sa cu nos tin mas di un siglo sin haya un golpi directo di horcan, pero no tin ningun garantia cu esey ta keda asina. Pakico nos mester ta mas preocupa pa e peligro aki, mas cu nunca? Pasobra tin un tendencia di fenomeno natural cu cada vez ta birando mas violento y menos facil pa pronostica. Esey tabata e caso tambe di e tormenta tropical Beryl cu actualmente ta trastorna nos region. Den cuestion di un par di dia e tormenta a bira horcan fuerte, di un categoria severo.

E splicacion cu cientificonan tin pa e inicio asina fuerte di e temporada di horcan ta cu e awa di lama cerca y den Caribe ta mas cayente caba cu normalmente na juni/juli. E punto mas abao den temperatura ta na februari y maart, di 27.1 C, y na september ta culmina na 29.4 C. Actualmente e awa den Caribe ta yega caba na e nivel di september.

Kico tur esaki ta bisa nos? Cu nos por keda discuti, si di berdad cambio climatico ta existi, y si e ta existi, si e ta un fenomeno natural manera tanto biaha caba den historia di mundo, o cu e ta algo causa pa actividad dañino di ser humano, pero ta sigur cu e efectonan di entre otro cambio den temperatura di awa di lama tin efecto grandi, den diferente sentido. Un di nan ta e surgimento di tormenta tropical mas violento. Otro ta e cambio den e habitat di hopi bida marino, tanto animal como vegetal. E ultimo aki ta un problema grandi, cu poco perspectiva cu intervencion humano lo bay yuda remedia. Pero preparacion pa horcan si ta un asunto pa cual nos por ta prepara.

E ora e pregunta ta: kico nos mester y kico nos ta haci pa prepara? Atencion awor aki mester bay na e problema di horcan; con bon nos ta prepara y kico nos mester spera? Mundialmente nos ta mirando un tendencia di cambio di clima unda e extremonan, di por ehemplo friu y calor, tambe di yobida y segura extremo, ta sucede cu mayor frecuencia, y ta bira menos equilibra y mas dificil pa pronostica. Nos

tambe mester ta prepara pa fenomeno cu nos no a mira te awor, y cu por ta mas violento tambe. Den e caso concreto di un horcan cu ta dal nos isla directamente, nos lo tin problema grandi pasobra por ehemplo nos estilo di construccion no ta tuma na cuenta e posibilidad di e tipo di fenomeno natural aki. Durante mas di cien aña di no preocupa pa e tipo di desastre natural aki, a permiti importa otro modelo di dak cu den caso di un horcan di categoria 4 o 5 lo laga probablemente un porcentahe grandi di cas sin dak. E murayanan lo keda para, e construccion cu ringbalk, te awe requeri, lo garantiza cu e cas no ta keda destrui totalmente. Sin embargo, sin proteccion di dak tur habitante di un vivienda asina por conta cu nan ta perde tur nan pertenencia, pasobra ora dak bay, plafond tambe ta bay. Nos no tin e reglanan di construccion cu varios isla tin, unda e plafond di construccion nobo mester ta di beton, pa bon motibo. Ademas esnan cu cas cu riesgo lo mester busca refugio na un lugar sigur, y si nan ta anticipa cu nan dak o cas no ta bay wanta e golpi di horcan, nan mester evacua promer cu e horcan yega. Nos ta prepara pa esaki? Sinceramente, nos no ta mira e lugarnan unda diezmiles di persona mester por busca refugio... Y si nos ta kere cu e asunto no lo bira asina grave, mihor pensa un biaha mas. Por ehemplo, nos ta consciente di e cantidad di edificio y vivienda cu ta localiza den e partinan mas vulnerable cerca di costa, cu hasta den e caso di solamente awacero ya caba ta den peligro directo di inundacion? Corda anto con ta haci si nan no tin cas mas...

Di tur manera anto, ta obvio cu aki tin un tarea grandi pa gobernacion, cu e agravante cu loke mester planea y ehecuta pa ta bon prepara ta bay hopi mas leu cu loke te awor a sucede riba e tereno aki. Si nos tuma nota di loke ta e recomendacionnan cu nos ta haya tur aña di nos autoridadnan como preparacion pa e temporada, esey ta meramente preparacion pa elimina o limita peligro den y rond di bo cas. Esey ta bon, pero hustamente awor nos mester bay prepara pa mas cu esey. Un ciudadano mester puntra su mes, y haya ayudo den esaki, si su propiedad ta capaz di wanta e golpi di un categoria 4 o 5. Y si e contesta ta negativo, con ta bay haci algo? Tin un analisis haci caba di loke nos tin na vivienda y con nan estado ta? Si e resultado ta negativo y mester pensa riba un capacidad grandi di refugio, hopi mas cu nos tin awor, nos mester bay inverti den esaki? O nos ta sigui kere cu nada no ta pasa, cu nos ta un isla bendiciona pa semper?

Atleta a hoga na Boca Catalina



Ayera den oranan di mainta, polis a keda manda cu urgencia na Boca Catalina pa un persona cu no ta duna señal di bida.

Na yegada di autoridadnan, paramedico di ambulance a descubri cu e victima ta Lodrico Briesen, un atleta di 59 aña di edad. Personal di ambulance a duna prome auxilio, pero lamentablemente esaki no a duna resultado. E circunstancianan di su morto a genera duda mirando su condicion fisico como atleta. A considera e opcion cu Briesen a bira malo den awa, cu consecuencia cu el a hoga.

Testigo cu a observa e sucedido a indica cu tabata musta cu Briesen a haya problema

den awa, pa loke un otro persona a sak'e for di lama y a hala atencion di autoridadnan pidiendo ayudo.

Informacion cu a circula den medionan local ta indica cu Briesen tabata custuma di landa den e area, y cu regularmente tabata competi den eventonan di triathlon y tambe tabata un entrenador. A bisa cu recientemente el a keha di un dolor na su pecho, pa loke a acudi na dokter, pero a dun'e cita te na proximo siman. Sinembargo, autoridadnan no a confirma cu esaki tabatin un rol den su fayecimento.

Condolencia na famia y seranan ker di Lodrico Briesen.

Un homber ta fayece despues di problema

Diaranson pa 7:50 di anochi central di polis ta wordo notifica di un bringamento cu lo ta bayendo for di man na un cas na Pindastraat.

Central ta despacha diferente unidadnan di polis na e sitio di e subsidio. Na yegada di e prome patruya ta bin en contra cu un hende homber cu un herida na cabez y no tabata reaccionando. Ta pidi pa ambulance cu maximo urgencia. Na e sitio e personal di ambulance ta trata e victima pero lamentablemente no por a haci nada p'e victima.

E victima un hende homber



Esdras Daniel Tejada naci dia 07-01-1989 (35 aña) na Republica Dominicana.

A haci dos detencion na e sitio. E prome detencion ta relaciona cu e caso y e di dos detencion ta pa stroba trabao di polis.

Na e sitio a presenta departamento di recherche, polis

tecnico como departamento di slachtofferhulp.

Cuerpo Policial ta haci un apelacion na es cu a wak algo of sa algo pa yama e tiplijn di polis cu ta 11141. Bo ta keda anonimo.

Cuerpo Policial ta manda palabra di condolencia na famia di e fayecido.

Pa motibo di retraso den implementacion di sistema di pago no por cuminsa cobra sustainability fee na turista ainda



Manera Bon Dia Aruba a publica algun dia atras, dialuna 1 di juli mester a drenta na vigor oficialmente e cobranza di sustainability fee di 20 dollar na turista. E sustainability fee aki e turistanan mester paga prome cu nan drenta Aruba a traves di nan aplicacion di ED-Card, pero e cobranza no a drenta na vigor ainda.

Mirando cu turistanan tabata indica ariba rednan social cu nan a yena e formulario pa nan ED-Card pa por drenta Aruba y a ricibi esaki sin cu nan mester a realisa ningun pago, Bon Dia Aruba a tuma contacto cu e instancia concerni pa puntra kico ta e motibo cu ainda no a implementa e sistema di cobranza di sustainability fee.

Tres dia atras Bon Dia Aruba a tuma contacto cu Utilities Aruba NV, cu ta encarga cu customer service pa loke ta e topico aki, pa puntra kico ta e motibo cu ainda no a cum-

insa cobra e turistanan e sustainability, aunke e ley a drenta na vigor.

Siguiente dia, dos dia atras, representante di Utilities Aruba NV a contesta preguntanan di Bon Dia Aruba y a indica cu en berdad no a implementa e sistema di cobranza di e sustainability fee ainda.

"Tin un delay den e implementacion di e proceso di pago. Pa awor tur non-resident tin cu yena e ED Card normal y unabes cu e proceso di pago ta implementa e lo bira visibel den e app," el splica.

Na mesun momento el a enfatisa cu ta hopi importante si pa tur non-resident usa e website oficial pa yena nan ED Card, cual ta edcardaruba.aw.

E sustainability fee aki ta algo cu gobierno a implementa como parti di e solucion pa yuda repara

y mantene e planta di RWZI. E cobranza aki mester a drenta na vigor hunto cu e ley di privatisacion di RWZI.

E implementacion di e sustainability fee a ricibi diferente critica cuestionando pakico ta e turistanan ta esunnan cu tin cu paga pa por drecha e situacion di RWZI y no e hotelnan mes.

Durante un conferencia di prensa na comienso di luna di juni, prome minister Evelyn Wever-Croes a splica cu nan haciele di e forma aki pasobra nan a papia cu e hotelnan tocante esaki, pero hotelnan mes no tabata kier.

Inicialmente e ley cu a wordo entrega na parlamento tabatin otro financiamiento y e financiamiento ey tabata pa aumenta e environmental levy, e belasting cu turistanan ta paga na hotel pa medio ambiente.

Pero esey, el a indica, no a conta cu sosten y mirando e urgencia y aceptacion mas grandi, specialmente den e sector turistico a tuma e decision pa introduci e cobranza di 20 dollar a traves di e ED-Card.



ONDERCURATELESTELLING

Het Gerecht heeft bij beschikking behorend bij EJ nr. AUA202401367, Mark Anthony Salomon Gonzalez geboren op 11 oktober 1985 onder curatele gesteld met benoeming tot curatrice Jasmine Cherryl Carballo geboren op 1 december 1971.

Jasmine Cherryl Carballo,
c.q. curatrice

A firma MOU entre LUMC y Aruba

Na hospital academico di Leiden LUMC a tumalugar awe 4 di Juli, firmamento di un Memorandum of Understanding entre LUMC, Pais Aruba y dr. Horacio Oduber Hospital. Pa LUMC a firma presidente di Hunta di Consejo di Administracion prof. dr. Douwe Biesma, pa dr. Horacio Oduber Hospital (HOH) a firma Jacco Vroegop, director di HOH y Minister Plenipotenciario di Aruba mr. Ady Thijsen a firma den nomber di Minister di Salubridad y Turismo Dangui Oduber.

Tambe presente tabata Chaira Straathof, neurologo na LUMC, Jan Verschuuren, hefe di neurologia na LUMC. Judelka Briceño, advisor di Minister Oduber, mr. Shandra John hurista di Gabinete di Aruba y



Nuris Dabian, coordinador Bienestar General y Cultura na Gabinete di Aruba.

Prome cu e acto di firmamento di e MOU, prof. dr. Peter Paul van Benthem, hefe di KNO na LUMC a duna un splicacion con a proceso a yega asina leu. E trayecto a cuminsa tres aña pasa na momento cu un dokter hoben di Aruba a duna di conoce cu e ta desea pa sigui su specialisacion como dokter di KNO y despues regresa Aruba. A dicidi pa mira unda por traha hunto pa asina dokternan Arubianonan por specialisa nan mes y

bay bek Aruba y asina yuda den e falta di capacidad di specialistanan na Aruba. Prof. Van Benthem a bisa cu nan a haya hopi sosten di e Hunta di Consejo di Administracion den esaki

Consehero di Minister Oduber, Arlene Ellis-Schippers a duna un splicacion cortico di e situacion den cuido na Aruba. Aruba ta trahando riba un manpower plan pa asina determina como Pais kico bo mester. Den e cooperacion cu LUMC ta hinca un proyecto di studio riba e tereno di specialisacion pa KNO, neurocirugia y

ciruhano di cacumbein. Director di Horacio Oduber Hospital Jacco Vroegop a duna un splicacion riba e situacion actual di e hospital, e retonan y tipo di cuido cu HOH ta brinda hunto cu IMSAN. Sr. Vroegop tambe a accentua e necesidad di cooperacion y cu e MOU aki ta e prome paso pa yega na logronan grandi pa HOH y Aruba.

Minister Plenipotenciario Ady Thijsen a bisa di ta contento cu awe Aruba ta firma un MOU asina importante cu LUMC. Esaki ta musta e necesidad di cooperacion entre enseñansa y cuido. 'Aruba ta pasando den un fase unda e proceso di "vergrijzing" ta pone cu aki un par di aña, Aruba mester di hopi trahador. Nos ta prefera pa sondea maneranan pa nos mesun hendenan regresa Aruba. E MOU aki ta un señal positivo

y duna inicio na formanan di cooperacion cu ta cuadra cu e vision y maneho di Gabinete di Minister Plenipotenciario,' tabata palabranan di Minister Thijsen.

EMOU entre LUMC y Aruba tin como meta pa registra e intencionnan unda tur e partidonan involvi, coopera pa realisa un expansion di e posibilidadnan pa estudio pa specialisacion medico, como tambe conocimiento y intercambio di personal entre profesionalnan di HOH y LUMC. Cu e MOU aki ta purba segun e compromisonan haci crea posibilidad pa Arubianonan cu ta coresponde na e criterionan di seleccion di LUMC por haya un lugar di estudio pa specialisacion banda di e cantidad cu LUMC ya caba tin.

E potretnan ta cortesias di Arubahuis.

Corte mas halto na Hapon ta ordena gobierno pa compensa hende cu discapacidad cu a ser sterilisa sin nan kier

(AP)—Den un decision historico, e Corte Supremo Hapones a ordena e gobierno diaranson pa paga un compensacion adecua pa aproximadamente un decena di victima cu a ser forsa pa sterilisa bao un ley cu awo ta defunciona, yama Eugenic Protection Law den Ingles, cu a ser diseña pa elimina descendiente di hende cu discapacidad.

A calcula cu 25,000 hende a ser sterilisa entre añanan 1950 y 1970 sin permiso pa "preveni e nacemento di descendientenan di mal calidad" bao di e ley, describi pa e abogadonan di e demandantenan como "e violacion di derecho humano mas grandi den e era despues di guerra" na Hapon.

E corte a bisa cu e ley di eugenesia di 1948 tabata inconstitucional y a rechasa e declaracion di e gobierno cu e statuut di limitacion di 20 aña mester preveni cu nan mester paga restitution. E decision di diaranson a involvi 11 di e 39 demandante cu a bringa den cinco corte mas abao den henter Hapon pa tin nan caso proceso pa e corte mas halto di e pais. Casonan envolviendo e otro litigantenan ainda ta

pendiente.

Hues Saburo Tokura a dicidi cu e operacionnan di sterilisacion a ser conduci "sin motibonan racional" y den clara discriminacion contra e demandantenan pa via di nan discapacidad, segun e documentonan di corte publica pa nan abogadonan. E corte tambe a bisa cu e procedura a viola nan dignidad severamente, agregando cu e continuo discriminacion y violacion severo di derecho humano pa 48 aña tabata un asunto hopi serio.

Na 2019, como respuesta pa varios huicionan di cortenan mas abao dunando gobierno e responsabilidad, e gobierno a ofrece un solo compensacion di 3.2 milyon yen (19,800 dollar) pa cada demandante. Sinembargo, e Corte Supremo a declara diaranson cu e compensacion no tabata suficiente.

Aproximadamente 10,000 pashent di lepra tabata entre esnan cu a ser sterilisa mientras nan tabata cera den institucionnan isola. Na 1996, e ley di prevencion di lepra a ser aboli, permitiendone pa ser parti di sociedad. E gobierno Hapones a ofrece nan compensacion y un disculpa

pa su politica obligatorio di isolacion.

Ademas di e sterilisacionnan

forsa e tempo ey, mas cu 8,000 otro a ser sterilisa cu permiso aunke probablemente bao presion, mientras

cu casi 60,000 hende muhe a haya abortus pa via di malesanan hereditario.



TRABOU DI MANTENCION NA SAN NICOLAS Interupcion di Coriente Planea

En conexion cu trabounan necesario, coriente lo wordo interumpi:

Diahuebs, 11 di juli 2024 8:30 AM te cu 3:30 PM

Den vecindario di:

- Abraham de Veer School
- Scol Basico Xander Bogaerts
- Jan Van Nassastraat (un parti)
- Pastoor Hendrikstraat (un parti)
- Cayenastraat (un parti)
- Clavelstraat (un parti)
- Dirkszstraat (un parti)
- Flamboyenstraat (un parti)
- Geermanstraat
- Isaac Wagenmakerstraat (un parti)
- Jasminstraat
- Nieuwe Weg (un parti)
- Resedastraat (un parti)
- Rozenstraat
- Trinitariastraat

N.V. ELMAR ta pidi disculpa pa e inconveniencia cu e interupcion di coriente aki por causa.

Bishita www.elmar.aw pa mira e lista di adresnan afecta.

Danki pa e comprension.



Ex President di Banco Central Emsley Tromp condena

(CuraçaoChronicle) - Emsley Tromp, e ex president-director di Banco Central di Corsou y Sint Maarten ademas di Rene Laurents, ex director diputado, a ser declara culpabel di falsificacion di documento. Tur otro acusacion den nan contra a ser retira, incluyendo soborno oficial y labamento di placa.

E caso aki ta trata sospechamento relaciona cu e compania di paña Curaçao Fashion Group (CFG). Laurents a funda e compania aki den 2009 bao peticion di Tromp pa Tromp su pareha den e tempo aki Y.M. de C.

E documento di e caso aki ta inclui un acuerdo di prestamo di dia 20 di mei 2009, de-

claracion cu Tromp a fia mas cu 400,000 dollar for di CFG. E cantidad aki a keda deposita directamente den Tromp su cuenta di pension, pero no tabatin evidencia cu a gasta esaki den trabao di preparacion pa CFG. Corte a conclui cu e acuerdo di prestamo tabata falso, sinembargo e transaccion no por ser legalmente clasifica como labamento di placa, cual a resulta den e retiro di e acusacion aki.

Mas sospecha di corrupcion y labamento di placa ta basa riba un transaccion di casi 1.5 miyon dollar den september di 2015 for di compania Venezolano Enpiso na CFG. E Ministerio Publico (OM) a considera esaki como un pago na Tromp, relaciona cu negociacionnan entre Banco Central y Banco Activo to-



cante e adkision posibel di Girobank.

Sinembargo, Corte a haya cu no tin suficiente evidencia legal y convincente cu ta categorisa e transaccion aki como un soborno. Tampoco tabatin rol concreto di Tromp den e

transaccion. Como consecuencia di esaki, e sospecha di labamento di placa tambe a keda reitra. Laurents a ser declara culpabel di falsificacion di documento. Ambos tabatin posicion halto na Banco Central y ta spera di nan un integridad impecabel.

Nan accion a traiciona e confianza publico den gobierno. E cobertura extenso den media y investigacion criminal tabatin un peso pisa riba Tromp, ken su nombre a ser susha y marca pa corrupcion. Corte a sentencia Tromp na un termino di 6 luna den prizon suspendi cu un periodo condicional di 2 aña. Laurents a ricibi un termino di 8 luna den prizon suspendi cu e mesun periodo condicional.

Mirando cu a retira mayoria di e acusacionnan den nan contra, Corte a dicidi contra impone un prohibicion di tin posicion den institucionnan financiero.

Ambos Emsley Tromp y Rene Laurents, ademas di Ministerio Publico (OM) tin 14 dia pa entrega un apelacion.

Relacionnan comercial entre La Vela y islanan den Caribe Hulandes ta mira fluctuacion

(CuraçaoChronicle) - Juan Gotopo, Vice Presidente di Camara di Comercio y Turismo La Vela, Venezuela, a provee un bista detaya tocante e relacionnan di comercio entre La Vela y Aruba cu Corsou.

Den e prome aña, a logra nivelnan significante cu a ser observa den september y october for di e waf artesanal La Vela, cu exportacion yegando te hasta 590 pa 555 ton, respectivamente. Sinembargo, den januari di 2024 a mira un disminucion considerabel, cu exportacion cayendo na solamente 90 ton, primeramente consistiendo di fruta y berdura.

“Den mei di 2023, actividadnan a bolbe sigui despues di e reapertura di e frontera maritimo cu un exportacion

inicial di 115 ton. E cifra aki a dolba te na 310 ton den juni, y a cay un poco na 275 ton den juli, recuperando back na 340 ton den augustus,” Gotopo a splica. El a confirma cu september tabatin e nivel mas halto di e ultimo 12 luna.

“Despues di e nivel aki, tabatin un disminucion den october na 555 ton, sigui pa mas disminucion di 285 ton den november, 135 ton den december y cabando den e nivel di 90 ton den januari 2024,” el a agrega.

Apesar di esaki, Gotopo a segura cu e exportadornan ta permanece comprometi na e actividad economico binacional, cu e mercado di e islanan cuminsando su recuperacion. “Den februari, exportacion a bira dobel cu 180 ton, y a aumenta un poco na 210 ton den maart, cayendo



na 175 ton den april y recuperando back den mei cu 315 ton.” El a nota cu juni a mira un exportacion di 470 ton, indicando cu tin un moda positivo anticipa pa e lunanan binidero.

Gotopo a enfatisa un aumento di 49.20% den exportacion den juni compara cu

aña pasa, cu 315 ton den 2023 aumentando na 470 ton den 2024.

Segun e Camara su estadistica, un total di 4,045 ton di producto a ser exporta durante e aña, incluyendo fruta, berdura, mata, fertilisador, pochi, carbon, material di construccion y mas.

“Di e 4,045 ton, 92.21% tabatin destino pa Corsou, cual ta 3,730 ton y 7.78% tabata destinada pa Aruba, cu un total di 315 ton,” Gotopo a informa. Tambe el a señala cu den e prome mita di 2024, 1,435 ton a ser exprota, cu 1,260 ton bayendo Corsou y 175 ton bayendo pa Aruba.

Servicio meteorologico di Corsou a actualisa aviso pa lama na codigo geel

(CuraçaoChronicle) - Servicio Meteorologico di Corsou a ahusta e advertencia pa lama for di codigo oraño na codigo geel cuminsando diaranson atardi. E advertencia aki a aplica especificamente na partinan panort y west di e isla.

Apesar di e ahuste na e ad-

vertencia pa tempo, e servicio tambe a conseha cautela pa hendenan cu ta na lama. Nan ta adverti cu por tin lama bruto na e costa. Segun e servicio meteorologico, olanan di surf por causa daño na botonan chikito y areanan na e costa por experiencia inundacion, potencialmente afectando facilidadnan na lama.

E servicio di tempo tambe a urgi operadornan di barconan chikito pa tin cautela y doñonan di e propiedadnan na costa a ser conseha pa proteha nan facilidad unda esaki ta posibel.

Landamento ta permiti pero si ta recomenda cautela, cu sugestion di evita bay demasiado leu for di e rand.



Awo cu 2 florin mas, bo por gana e

***Afl. 430.000,-**

*Afl. 330.000,- + Afl. 100.000,-
extra

Benta ta sera 7:30 pm y sorteo ta hunga 7:45 pm

MEGA PLUS

HUNGA AWO

Mas cu mita di e trahadonan di municipio di Amsterdam a experiencia discriminacion y bullying na trabao

(nltimes.nl) – Mas cu mita di e trahadonan di e municipio di Amsterdam a experimenta discriminacion, bullying, humiliacion, of otro tipo di comportacion no apropiada na trabao. Managernan ta regularmente e culpabelnan, segun Telegraaf ta reporta di un investigacion di Instituto Verwey-Jonker cu ainda no ta publica.

E agencia di investigacion a haci encuesta cu casi shete mil empleado di e municipio y ta considera e resultado representativo pa henter e forza laboral di e municipio di Amsterdam. 55% di e funcionarionan publico a bisa den e encuesta cu nan a yega di experiencia comportacion indeseabel personalmente den e ultimo 12 luna y 63% a yega di wak un colega ta sufri bullying, humiliacion of exclusion. 14% a reporta cu nan a sufri



discriminacion. E porcentahe aki ta subi pa 25% entre empleadonan cu tin raiz etnico for di afo di Europa, empleado cu un limitacion fisico of malesa cronico of empleadonan cu solamente a caba scol primario of educacion secundario pre-vocacional.

Discriminacion ta mas general basa riba e origen y color di cuero, pero e Instituto Verwey-Jonker tambe a ricibi reportahenan di discriminacion basa riba genero, nomber, acento, orientacion sexual of neurodivergencia, manera autismo of ADHD.

Ora cu nan a puntra ken a discrimina nan, mas cu 60% a bisa cu ta un of mas cu un manager hunto, por ehempel un lider di team of director. Otro coleganan tambe ta culpabel regularmente, hopi mas cu civilnan na banda di caminda of riba caya.

“E por zona straño, pero no ta un sorpresa. Pasobra nos a mira esaki tambe den estudio anterior,” consehero responsabel, Hester van Buren (Personal y Organizacion) a bisa den su reaccion inicial na e corant. “Nos no ta acepta ningun forma di discriminacion, pero ta bisto cu e ta sucede. Esaki ta e motibo pakico nos a haci e investigacion.”

“Nos ta convenci cu cosnan por realmente mehora. Nos no ta evita e tema tampoco. Nos ta expone e puntonan di dolor y ta traha riba nan,” Van Buren a bisa. “Nos lo sigui ripiti e studio aki. E lo tuma tempo. Pero nos ta kere cu bo no mester wak otro banda. Y nos tambe kier ta un ehempel pa otro municipionan y compania.”

E ciudad lo tene un reunion grandi pa tur funcionario publico e diamars cu ta bin pa discuti e rapport.

Oposicion ta critica prome minister Hulandes nobo fuertemente pa su reaccion “debil” na intolerancia di derecha extremo

(nltimes.nl) – Prome minister Dick Schoof a topa cu critica duro di parti di partidonan di oposicion den su prome debate parlamentario diaranson. GroenLinks-PvdA, D66, DENK, y otro partido a haya su reaccion na e declaracionnan intolerante y controversial di e minister di PVV como no suficiente y “debil.”

E partido di oposicion kier pa e prome minister nobo distancia su mes enfaticamente for di e teoria di conspiracion di repoblacion relaciona cu minister Marjolein Faber (Asilo y Migracion) y Reinette Klever (Comercio Stranhero y Ayudo di Desarojo), dos di e partido derechista extremo PVV. “Tin dos miembro di Gabinete cu ta propaga teoria di conspiracion racista,” lider di D66



Rob Jetten a bisa.

Pero Schoof no tabata kier bay mas leu cu bisa cu e tin confiansa den tur miembro di su Gabinete y cu tur hende a firma e declaracion di respet pa e regla di ley y e acuerdo di coalicion. “Mi ta sigur cu tur miembro di Gabinete no ta racista y no ta subscribi na teorlanan di poblacion,” el a bisa, despues di wordo

presiona tocante e miembro di Gabinete cu ta kere den e teoria di e Gran Reemplazo y otro ideanan semehante.

Lider di DENK Stephan van Baarle a yama esey “debil” y a puntra e prome minister si esaki lo ta e norma durante su termino di gobernacion. Schoof a contesta, “Racismo, teoria di conspiracion y discriminacion no lo ta e norma

den e Gabinete aki.”

Despues di su huraumentacion cu a tuma luga e siman aki, Faber y Fleur Agema (Salud Publico) a bisa RTL Nieuws cu nan no ta na favor di sjaal na cabes y nan lo prefera pa muhenan musulman kita nan y purba e libertad. Lider di GroenLinks-PvdA Frans Timmermans y Lider di DENK Van Baarle kier sa si Schoof a discuti esaki cu e minister di PVV.

Di nobo, el a bisa cu e ta sigur cu su minister no ta racista.

Lider di D66 Jetten a referi na un post reciente riba rednan social di Faber unda e ta yama parlamentario Esmah Lahlah un “PvdA-headscarf” (sjaal di cabes). Jetten a invita e prome minister pa wak Lahlah den su wowo y distancia su mes for di e declaracion aki.

Schoof a bira wak e parlamentario y a bisa: “E hecho cu bo ta bisti un sjaal na bo cas no ta importa mi. Pa mi bo ta un ser humano.”

Notablemente, Schoof tambe a ricibi critica for di Geert Wilders, lider di PVV - e partido mas grandi den e coalicion. Wilders tabata rabia cu Schoof no a distancia su mes inmediatamente for di e declaracion di MP di PvdD Esther Ouwehand cu tin dos racista den e Gabinete. E ta desapunta cu Schoof no a rabia y bisa cu no tin racismo den su Gabinete.

Schoof a ripiti cu e tin confiansa den tur miembro di su Gabinete.

Honduras ta desplega miles di polis y militar debi na ola di violencia

(AFP) – Ayera diahuebs Gobierno di Honduras a desplega miles di polis y militar na henter e pais debi na un aumento di violencia registra den ultimo simannan.

Minister Hondureño di Seguridad, Gustavo Sanchez, a lidera e operacion na capital, pero a aclaria cu e intervencion “ta na nivel nacional.” A agrega cu e medida aki ta pa preveni “delitonan contra bida di hende, homicidio, asenatonan, hortamento y extorsion,” ademas a ehecuta mas di 10 orden di captura na Tegucigalpa y 50 na e resto di e pais centro Americano.

Den ultimo simannan, Honduras a wordo sacudi pa un ola di crimen di impacto grandi.

26 di juni ultimo, a secuestra cinco hoben na Tegucigalpa y dianan despues nan cadaver a aparece, un hecho atribui na gangnan di Barrio 18 segun Polis a sigura.

Ademas, un grupo di 14 persona y otro di 12 a ser secuestra tres siman pasa na litoral



Atlantico, accionnan cu Polis tambe a atribui na un guerra entre gruponan di narcotraficante. A bira conoci cu entre e secuestradonan tabatin dos hende muhe, cu ta sigui desaparecido.

Sanchez tambe a anuncia e extension di estado di excepcion pa 45 dia. E medida ta vigente na e pais for di 6 di

december 2022 y su anterior ampliacion tabata 19 di mei. E medida ta duna facultad di haci detencion sin orden hudicial, un norma similar vigente for di maart 2022 na El Salvador, na unda a logra un reduccion drastico di actividadnan di gangnan.

Minister Sanchez a nenga cu estado di excepcion a fracasa

na Honduras, manera algun medionan local ta sigura. El a argumenta cu e medida di detencionnan di personanan cu a huy a aumenta na 85%, a confisca mas di 12,000 arma y a detene 4,500 miembro di gangnan of di cartel di droga.

“Den dos aña nos a baha cu ocho punto e cifranan di ho-

micidio,” e funcionario a señalá.

Tasa di homicidio a cera na 2023 cu 38 pa cada 100,000 habitante, mas di seis biaha cu e promedio mundial, pero inferior na 42 pa cada 100,000 habitante di 2021, segun Observatorio di Violencia di Universidad nacional.

Di su parti, Partido Nacional ayera diaranson a critica fuertemente Gobierno di presidente Xiomara Castro pa falta di accionnan contundente contra violencia y inseguridad cu tin na Honduras. “Pueblo Hondureño ta muriendo den e Gobierno di e Familion. Mas di 2.000 persona a desaparece, uni na aumento di extorsion, secuestro y asesinato. Ta e resultadonan real di estado di sitio,” e entidad politico a cuestiona den un comunicado.

Asina mes, e partido opositor a señalá cu “durante administracionnan nacionalista” tabatin resultadonan contundente den materia di seguridad.

Peru ta aproba ley di Amnistia cu ta beneficia esnan cu a comete delitonan di lesa humanidad

(Infobae) – Birando e lomba pa comunidad internacional, Congreso di Peru contra pedidonan di Fiscalía y advertencianan di Comision Interamericano di Derechonan Humano (CIDH) y e mesun ONU, a aproba un ley nobo di Amnistia cu ta permiti libera di responsabilidad penal esnan sentencia y investiga pa crimennan di lesa humanidad.

E norma, cu ta conoci como “e ley cu ta precisa e aplicacion di alcance di e delitonan aki,” pero cu, den practica, ta permiti e prescripcion di nan semper y cuando a ser cometi prome cu aña 2002.

E decision a ser tuma ayera diahuebs durante e Sesion di Comision Permanente, cu un total di 15 voto na favor y 12 voto den contra. Manera ta conoci, e norma aki a ser aproba caba den un prome votacion dia 6 di juni ultimo na Congreso, pero tabata pendiente pa votacion. No obstante, Legislativo, debi na cuestionamentonan cu e nor-



ma aki ta faborece impunidad, a dicidi papia di dje den e segundo votacion na Comision Permanente, na unda tin menos congresista y menos atencion di ciudadanonan.

Te final di e debate, e congresistanan Martha Moyano y Patricia Juárez a insisti cu esaki no ta trata di un Ley di Amnistia, sinembargo, segun e mesun Comision Interamericano di Derechonan Humano, e norma ta fungi

como un medida cu no ta cumpli cu orden estableci pa Corte IDH, pues, loke ta busca ta pa establece un politica di impunidad, permitiend cu esnan sentencia y investiga pa delitonan califica como crimen di lesa humanidad pa Fiscalía cometi prome cu 2002, lo ser anula.

E norma no ta splica con e lo actua na beneficio di e criminalnan, un bes cu e documento lo ser revisa ta un ley

cu Ehecutivo mester revisa tambe, aunke por mira e intencion di dje pa motibo cu e personanan procesa y investiga pa casonan cu a sucede durante conflicto arma interno den cual e ex-dictador Alberto Fujimori tabata presidente, ta bay sali beneficia di e procesonan cu ta enfrenta actualmente of esun tambe cu ta pagando un condena. Manera tur delito cu tin un periodo di prescripcion, y husticia di Peru ta tarda hopi

pa e casonan aki, Fiscalía ta califica e crimennan manera desaparicion forsa, homicidio califica, genocidio, tortura, entre otro, como di lesa humanidad, cu e fin cu no lo por anula nan, garantizando cu por ser atendi den 10, 20 of 30 aña despues cu a ser cometi.

Awor cu e ley aki, esaki ta keda completamente anula, si e delitonan a ser cometi prome cu 2002, fecha den cual Estado a acepta Statuut di Roma unda a compromete su mes di asimila e prescripcion di e delitonan aki.

Incluso esnan cu ta defende e norma ta señalá cu Poder Hudicial, a traves di nan hues, ainda tin e posibilidad di haci un control, kiemen, di dicidi si ta aplica of no e norma aki –cu ta permiti cu militarman, terrorista y ex-dictador den igual medida, su casonan lo bay den lachi- sinembargo, di e manera con e ley ta structura, esaki no ta posibel, loke ta nifica cu e hues mester opta pa e ley aki cu ta aproba definitivamente.

Alerta tocante empeoramento di situacion di cachonan di caya na Santiago de Cuba

(CiberCuba) - E crisis economico, escasez di producto y inflacion tin como consecuencia cu e ingreso di e ciudadanonan apenas ta yega pa biba. Den e escenario aki, e mascotanan ta e sernan cu mas ta wordo afecta, ya cu nan necesidadnan no ta un prioridad mas.

E abandono cu e animalnan di caya ta enfrenta den actualidad a keda constata recientemente pa e protectornan di animalnan na Santiago de Cuba, kendenan a alerta cu e condicionnan di bida di e cachonan a bira mas critico.

“E situacion di e animalnan di caya cada biaha ta bira mas critico,” e organizacion SALBA-Santiagueros por el Bienestar Animal, un iniciativa dedica na proteccion di mascota, a indica ariba Facebook.

E organizacion a apunta cu un di nan integrantenan a realiza un recorrido den varios comunidad di Santiago de Cuba cu



e intencion di atende varios cacho cu ta riba caya.

Durante e recorrido aki, el a constata cu e situacion di e animalnan riba caya a empeora, sugeriendo cu pa e personanan e ta resulta cada biaha mas dificil pa duna nan cuminda.

No obstante, e activistanan protector di animalnan a de-

staca e apoyo di algun persona: “Danki na tur esunnan cu ta yuda pa e bienestar animal.”

A pesar di e empeoramento di e crisis economico di Cuba, algun defensor di derechonan animal no ta renuncia den e bataya pa e proteccion di e mascotanan.

Recientemente un activista

na Mayabeque a rescata un cacho bandona den un saco di plastic cu tabata mara, declarando visiblemente conmovi cu si e no lo a move, e lo a muri sin por a hala rosea den e saco ey.

Yenney Caballero a denuncia e incidente riba Facebook y a declara cu contrario na e persona cu a comete e maltrato di bestia aki, e si ta bay lucha

pa e cacho. “Si e no logra sobrevivir, e ta bay tin un final digno di un ser bibo.”

Lamentablemente e casonan di abandono di animalnan no ta un hecho isola. E falta di accion di e regimen Cubano den e materia di proteccion y derechonan di animalnan ta laga hopi biaha hopi cacho, pushi y cabaynan na disposicion di e abusonnan di nan doñonan.

Recientemente e abandono di cinco cacho recién naci bou un awasero a genera malcontento entre e animalistanan di Sancti Spiritus, kendenan a mobilisa a traves di rednan social pa salba e bida di e pupynan.

E fundacion ARCA a cualifica e hecho riba Facebook como “un desgracia” mientras e tabata informa cu e cachonan a wordo rescata. “Ya nan a busca nan caba, pero tin mes-ter di un mama pa duna nan lechi urgente.”

Jamaica: Gobierno ta drenta modo di evaluacion despues di paso di horcan Beryl

(JamaicaObserver) - Minister di Informacion, Senador Dr. Dana Morris Dixon ta bisa cu Gobierno di Jamaica haci transicion pa modo di evaluacion y reparacion despues di e paso di horcan Beryl, cu a afecta e isla diaranson.

Minister Morris Dixon ta bisa cu gobierno a nota cu e aviso di horcan pa Jamaica a termina y ta agradecido cu e impacto di e sistema di tempo no tabata pio.

“Desafortunadamente, nos a haya reporte di un muhe cu a perde su bida na Hanover y un homber na Arnett Gardens na St. Andrew cu a bay den awa. Su status ta sin confirma. Nos ta sinti e dolor cu e famianan cu a wordo afecta,” Minister Morris Dixon a comenta den un declaracion diahuebs mainta.

E minister di Informacion ta bisa cu Gobierno ta consciente cu e horcan a causa confusion y daño significativo den algun di e districtonan, den particular na e seccion zuid di e isla, cu ta inclui St. Elizabeth, Clarendon y Manchester.



El a apunta cu tin reporte di daño na propiedad y e red di caminda den parti di e isla unda na algun caminda autonon no por pasa.

Minister Morris Dixon ta bisa cu rapport preliminar ta cu algun hende a perde nan dak y te ayera mainta tempran tabatin miembronan di

famia cu tabata preocupa cu nan no por a tuma contacto cu nan familiarnan na e costa di zuid, probablemente debi na retonan cu ta relaciona cu e red di telefon.

“Mi kier bisa na esunnan cu a sufri dañonan grandi cu Gobierno di Jamaica ta consciente di bo situacion y nos

a haci transicion pa modo di evaluacion y reparacion. Durante e dianan binidero, nos lo continua nos evaluacion di e dañonan a traves di varios agencia, mientras cu nos ta busca pa contesta lo mas lihe posibel na esunnan cu tin mester di asistencia di emergencia,” Minister Morris Dixon a asegura.

Jamaica Public Service (JPS) ta bisa cu nan ta haci e evaluacion necesario pa restaura coriente na esunnan cu a perde conexion durante e pasada di horcan Beryl.

Diaranson e compania di luz y coriente a reporta cu no menos cu 65% di su clientenan tabata sin servicio.

Den un publicacion ariba nan pagina oficial di rednan social diahuebs mainta, JPS a bisa cu nan ta trahando pa restaura conexion lo mas lihe posibel y nan a pidi e clientenan pa tin pasenshi mientras nan ta realiza e trabounan di reparacion necesario.

“Pa por duna boso coriente for di e fuente, nos tin cu haci un evaluacion completo di e daño pa identifica unda e problema ta. E daño por ta riba un liña principal, cu por ta kilometernan leu for di unda bo ta,” su declaracion ta bisa. “Nos ekipo ta haciendo e evaluacion di e daño aworaki y lo completa e reparacionnan necesario pa bo por haya bo coriente back lo mas lihe y lo mas sigur posibel,” e compania di utilidad a bisa.

Cas di Marlon Wayans a cay victima di robo

(TMZ) - Un situacion cu no ta asina chistoso a sosode pa Marlon Wayans y su famia cu ta conoci pa nan fama como comediante.

Autoridadnan a conta TMZ cu Marlon no tabata na cas durante e robo, sinembargo su ruman homber Keenen Ivory Wayans tabata alrededor 2or di mainta ora cu 2 ladron a drenta e cas.

Aparentemente nan a drenta for di e patio patras y a kibra un bentana pa por drenta e cas.

Keenen a lanta a causa di e zonido pero no a realisa kico ta pasando, Pensando cu no ta nada, el a bolbe drumi.



Segun un di Marlon su empleadonan a bolbe e cas alrededor di 8or di mainta y a

descubri cu ladronia a tuma luga na e cas. Aparentemente Keenen tabata impacta ora cu el a haya sa cu e ladronnan a horta un caha fuerte y miles di dollar den placa cash.

Polis a cuminsa cu un investigacion y ta buscando revisa cualkier imagen di video cu por duna un pista den e caso aki.

Ultimamente L.A ta alarmantemente birando un centro hot pa ladronnan cu ta tumando accion contra casnan di celebridadnan. Lun pasa so, cas di ex hungado di NBA Patrick Patterson y guardia actual di NBA Talen Horton-Tucker tambe a cay victima na ladronia.

Diddy acusa di supuesto contrabanda di hende pa propositonan sexual



Kidd, Esq. Y Steven Metcalf, Esq., el a bisa cu el a ser "obligado tin relacion sexual" cu su persona y despues a ser paga 1,000 dollar mas di loke e ta ser paga usualmente pa su trabao na Diddy su fiestanan.

El a saca un potret cu Jacob despues di e supuesto agresion mientras nan tabata na e fiesta ainda y ta bisa cu Diddy mes personalmete a dun'e felicitacion pa tin relacion sexual cu Jacob, manera el a ser bisa pa haci y a bise cu el a haci un bon trabao. Jacob ta nombra como acusado den e demanda.

(TMZ) - Segun un demanda nobo den su contra, Diddy a contrata un ex actriz di contenido pornografico pa tin relacion sexual cu hende na su fiestanan legendario y a menasa di tuma accion contra su persona y su pareha, ken tabata un modelo, si e no cumpli.

Adria English, ken ta bisa cu su number como actriz pornografico ta Omunique, a bisa cu el a conoce Diddy alrededor di 2004, ora cu su pareha tabata purbando di ser contrata pa un trabao di modelahe cu Sean John. Den e documentonan obteni pa TMZ, Adria ta bisa cu cosnan a cuminsa bay robes cu Diddy for di cuminsamento.

Adria ta bisa cu su pareha y otro modelo a ser pidi pa haci actonan sexual riba Diddy pa nan por haya e trabao. El a bisa cu su pareha a nenga pero a ricibi un di dos chens ora cu un asociado di Diddy a ofrece e trabao, cu e condicion cu Adria lo acepta di ta un "go-go dancer" na Diddy su fiesta binidero na Hamp-ton.

Su persona y su pareha a acepta y el a traha na e fiesta den 2004, e demanda ta inclui potretnan di su persona na e sitio, y a bisa consecuentemente cu el a traha na otro fiestanan di Diddy unda regularmente e mester a bebe alcohol cu narcoticonan manera ecstasy y a ser encurasha pa combersa romanticamente cu e invidatonan.

Aunke e no tabatin relacion sexual cu e invidatonan inicialmente, el a bisa cu Diddy a "manipula" su persona na acepta contrabanda sexual durante tempo. Adria a acusa cu cosnan a empeora cora cu Diddy a existi pa e tin relacion sexual cu Jacob Arabov, conoci como JAcob the Jeweler den hip-hop.

Segun e demanda, entrega pa abogadoan Ariel Mitchell-

Adria ta acusa cucosnan a bira pio despues di esaki, pa motibo cu el a ser pasa na otro hendenan na Diddy su fiestanan y nan tambe a agredi su persona sexualmente. Tambe e ta demandando un muhe yama Tamiko Thomas, ken e ta acusadi a facilita Diddy su operacion. Adria ta bisa cu Tamiko ta e Ghislaine Maxwell pa Diddy.

Tambe el a acusa cu Diddy a priminti di avansa su carera, te hasta yudando e drenta un grupo pa por debuta den e mundo di musica, sinembargo el haci exigencianan y menasanan di blokia su persona y su pareha for di e industria si e no cumpli.

E ta conta cu eventualmente el a logra scapa y a bolbe back California den 2009 y ta kere cu Diddy a blokia su persona y su pareha su carera como castigo.

Adria ta alega cu el a sufri trauma emocional incluyendo problemanan di intimidad y recuerdonan doloroso como resultado di e contrabanda sexual.

E ta demandando Diddy, Bad Boy, Tamiko Thomas, Jacob the Jeweler y otronan, pidiendo compensacion cu no a specifica te ainda.



JOIN A GREAT TEAM!

We are looking for a professional who is optimistic with a great attitude to join us as:

Treasure Analyst

in the following territory:

Aruba

WHAT WILL YOU BE RESPONSIBLE FOR?

The Treasure Analyst is responsible for executing accounting responsibilities including accounts reconciliations, processing journal entries, maintaining fixed asset registers, assisting with stock counts and analysis of stock loss. The Treasure Analyst also contributes to the timely completion of the period close, reporting and audit. This is a "hands on" position that requires knowledge of accounting principles, analytical and problem-solving abilities. The Treasure Analyst will work closely with the Finance Manager, contributing to obtaining reliable financial data and timely reporting. This individual also shares responsibility for embedding internal controls and financial processes, including increasing the efficiency of the accounting department and organization.

REQUIRED SKILLS & EXPERIENCE

- Should minimally possess a professional certification in Finance and Accounting at MBO / SBO level.
- At least 3 years of experience in this field
- Fluent in English, Papiamentu & Dutch
- Proficient in use of Microsoft Office, intermediate to advanced Excel level is required.

Apply by sending your application letter & resume to:

unicomerarubajobs@gmail.com

Submission deadline: July 8, 2024

Follow us



@grupounicomer



Grupo Unicomer

2,000,000

SUMMER

POINT GIVEAWAY

JULY 1 TO AUGUST 31

Win your share of \$20,000 in points!

20 WINNERS EACH DAY

You can win up to \$100 in Points!

Swipe and play free once daily. Earn 100 Slot Points or 8 Table Credits and play again — up to 5X each day

See Players' Club for full rules. Points can be converted to Free Slot Play.



Open daily 10am to 3am | J.E. Irawsquin Blvd #47 | 583.5000 | casinoalhambra.com



Favienne Thode a representa Aruba na Conferencia Mundial di Trabou Social na Panama City

Kico ta e costonan economico di servicio social pa proteccion di mucha na Aruba?

Favienne Thode a gradua cu un Bachelor na Facultad di Economia y Finanzas na Universidad di Aruba na 2023. Favienne a traduci su tesis den un articulo academico hunto cu Clementia Eugene como co-autor di e articulo titula “E costo economico di servicionan social pa proteccion di mucha: Un calculacion agrega - E costo pa Aruba.”

Favienne a presenta e articulo na conferencia Mundial di Trabou Social cu a tuma lugar na Panama for di 4 pa 7 di april 2024. E investigacion ta calcula e costonan financiero di intervencion pa proteccion di mucha na Aruba. Tenien-



do cuenta cu e resultadonan di investigacion di Eugene, 2022, cual a revela cu abuso fisico ta e tipo di maltrato mas prevalente na Aruba, e articulo a investiga un costo economico agrega di un solo caso di abuso fisico usando “Cost Accounting Method of Normal Job Costing”.

E costo total a wordo calcula dor di conta e costonan relevante di e organisacionnan for di e unidad di analisis usando e factor di porcentahe nan di carganan vital di trabou pa refina e costonan. E resultadonan a revela cu e costo calcula ta US\$ 356.88 pa caso, mientras cu e costo anual ta US\$ 1,705,999.31.

Basa riba un prevalencia di 50.2% di maltrato infantil durante e aña, e costo teoretico di intervencion anual a wordo estima na US\$ 4,050,770.47. E resultadonan tambe a revela cu e presupuesto actual di intervencion ta mas o menos mitar di loke e costo teoretico mester ta. Pa lo tanto, ta haci recomendacionnan pa aumenta e presupuesto pa proteccion di mucha. Tambe ta recomenda pa e estudio wordo replica usando e metodonan di Costo Basa riba Actividad (Metodo ABC). E motibo pa esaki ta cu e Metodo ABC lo calcula e costonan pa cada actividad di intervencion/accion den e structuranan di Trabou Dividi (WBS) desaroya den e

investigacion aki en bes di generalisa e gastonan manera e Metodo di Costo di Trabou Normal.

Favienne a haci su presentacion hunto cu otronan Skolarnan di Trabou Social, entre otro Keisha Tomlinson di Servicio di Proteccion di Mucha y Famia; Warren Thompson di Servicio di Proteccion di Mucha y Famia na Jamaica; y Jill Davey di Universidad di Edinburgh Napier. Universidad di Aruba ta orguyoso di Favienne pa tuma su tesis di FEF pa informa esnan cu ta traha den area social regional, global y educadonan di trabou social. Favienne a bisa danki na Edward Erasmus su coach.

Rotary Club Aruba ta instala directiva nobo pa 2024-2025

Diabierna ultimo dia 28 di juni 2024, Rotary Club Aruba a instala su directiva nobo pa 2024-25. E evento a tuma lugar na e edificio renoba di Maria Convent na Universidad di Aruba. Presidente saliente Luis Oduber a hiba palabra un rato unda e la desea e Presidente di aña Rotariano venidero tur clase di exito y gradici e miembronan y di e club cu a sa di duna nan sosten pa asina Rotary Club Aruba por a sigui cu su aporte y sosten na diferente fundacion riba nos isla.

E anochi a sigui cu instalacion di e directiva nobo bou di guia di Dr. Diego Acevedo, apunta como e siguiente presidente di Rotary Club Aruba pa aña 2024 – 2025. Diego ta miembro di Rotary Club Aruba desde 2017 y a

fungi como miembro di directiva pa un par di aña. E otro miembronan di directiva a keda como lo siguiente: Rebecca Maduro (secretaria), Robert Henriquez (tesorero), Luis Oduber (presidente saliente), Rubiela Lampe-Chiquito (director di administracion di e club y vice presidente), Orlando Hoevertsz (director di miembresia y secretario eligi), Paul Arends (director di proyectonan comunitario), Joost Lomans (director di Rotary Foundation) y Rishi Achabersing (sergeant at arms).

Durante e anochi di instalacion, Diego a haci entrega tambe di reconocimiento na Presidente Saliente di Rotary Club Aruba Luis Oduber cu un Paul Harris award pin pa su tremendo trabou durante e aña cu a pasa y asina termina su presidencia den un



forma super ameno y positivo. Tambe Diego a honra miembro Stanley Looman pa su dedicacion y compromiso pa yuda nos comunidad.

Presidente Diego a hiba palabra reflehando ariba su trayectoria y con e magia di Rotary a hib'e pa join Rotary Club Aruba, facilita pa un encuentro casual na un aeropuerto cu Rotarian Barry Rassin, ex-Presidente di Rotary International. E magia di Rotary, esaki ta e tema pa e aña aki. Presidente Diego a enfatisa ariba e magia di

Rotary y e nificacion di crea “serendipity”. E la sigui na elabora tres elemento esencial pa logra esaki; siendo curioso, consciente y tumando accion claro semper teniendo na cuenta e “4-way test” di Rotary. Di e cosnan cu nos ta bisa, pensa of haci, nos tin cu puntra nos mes e siguiente 4 preguntanan: Prome: e ta e berdad? di dos: e ta husto pa tur esnan concerni? di tres: e lo yuda construi bon voluntad y mihor amistad? y di cuater: e lo ta beneficioso pa tur concerni? Presidente Diego ta suma-

mente orguyoso di e impacto positivo cu e famia di Rotary tin den nos comunidad. Rotaract Club Aruba y clubnan Interact Club Colegio Arubano, Interact Club Aruba na de Schakel College y Interact Club na International School of Aruba a bin ta hasi un tremendo trabao cu diferente proyecto nan.

Na final Presidente Diego kier a gradici tur esnan cu a haci e anochi di instalacion posibel.



CEDEHM conhuntamente cu 131 ta hopi orguyo di a finalisa un otro grupo mas di tata cu a participa na Best Dad Ever

Desde 4 juni te cu 20 juni 2024 un otro grupo mas di tata a participa na e proyecto Best Dad Ever. 131 a facilita Best Dad Ever na un grupo di tata cu a ser forma pa Centro di Desaroyo di Hende Muher (CEDEHM).

Banda di e servicionan cu CEDEHM ta ofrece na hende muher nan na Aruba pa desaroya nan mes, CEDEHM tambe ta ofrece diferente servicio na hende homber. E hende homber den relacion y/of den famia, ta importante den e sosten pa hende muher su desaroyo. Basa riba esaki CEDEHM a acerca 131 pa facilita Best Dad Ever na un grupo di tata.

E tatanan cu a participa a ricibi diferente tips, informacion y conocimiento pa asina



nan por ta mas involucra den educacion di nan yiunan. Tambe e tatanan a comparti nan experiencia y preocupacionnan, nan a enfoca riba kico nan a ricibi den nan educacion cu nan ta desea di sigui cune y kico nan no lo implementa den e bida di nan yiunan. Best Dad Ever ta enfoca riba e importancia pa

e tata ta involucra den bida di su yiunan.

Cuido, violencia, necesidad y derecho di mucha, embarazo y division di cuido, ta algun di e topiconan cu a ser trata durante Best Dad Ever.

Na final di e shete sesionnan, e tatanan cu a participa

na Best Dad Ever a ricibi un certificado.

Un danki ta bay na 131 pa facilita Best Dad Ever cerca nos na Centro di Desaroyo di Hende Muher. Tambe un gradicimento ta bay na Famia Planca Aruba y Partera Michael Quandt pa nan coop-

eracion na Best Dad Ever.

Pa mas informacion tocante diferente servicio di CEDEHM por tuma contacto cu nos via nos Facebook page:CEDEHM (Centro di Desaroyo di Hende Muher), E-mail: info.cedehm@gmail.com of na Tel: 588-1391



En cuadro cu PEL, 44 empleado a ricibi nan certificado di beroepspraktijkvorming



Diabierna ultimo, Minister di Enseñansa y Deporte Endy Croes hunto cu Prome Minister Evelyn Wever-Croes a acudi na Auditorium di Colegio EPI, en conexion cu proyecto di Plataforma Enseñansa y Labor (PEL).

Sra. Eddelyn Dijkhoff, kende ta encarga di e proyecto aki tambe tabata presente. Den e ocasion aki a entrega certificado na alrededor di 44 empleado di 22 compania cu a participa den e "Beroepspraktijkvorming" di Plataforma Enseñansa y Labor (PEL). E meta di esaki ta pa tin un miho acoplacion entre enseñansa y necesidad di mercado laboral, preparando nos studiantenan na e nivel cu mercado laboral ta exigi. Pa motibo aki a bin cu e training di BVP, unda e companianan por guia e stagiair-

nan di scol practico (beroeps-sonderwijs) di entre otro, Openbare Avondleergangen Aruba (OAA), Educacion Profesional Basico (E.P.B.) y Colegio EPI di un forma mas eficiente.

Cu e curso aki e companianan tin e conocimiento pa guia e stagiairnan di e forma correcto. E mandatario di Enseñansa a gradici Sra. Eddelyn Dijkhoff pa e gran trabou el a desplega durante 20 aña na Colegio EPI y a dese'e hopi exito cu e proyecto di PEL. Ademá di esaki, a introduci Sr. Ninon Swean cu lo bay tuma e posicion di Sra. Dijkhoff na Colegio EPI. Minister Endy Croes ta gradici tur cu a contribui den e proyecto di Plataforma Enseñansa y Labor. Alabes, ta felicita e 44 empleadonan cu a ricibi e certificado pa e training di "Beroepspraktijkvorming".

GOLDEN AGE EXPO

SENIOR WELLNESS, LIFESTYLE & RETIREMENT

Find everything you need to stay Healthy, Happy and Active!

GOLDEN AGE EXPO

MEDICAL ADVICE, FINANCIAL PLANNING, TRAVEL DEALS,
ENTERTAINMENT OPTIONS, WE HAVE IT ALL

JULY 6th - 9 TO 5PM ALHAMBRA BALLROOM

TICKETS AWG 10,- AVAILABLE @
JR MOTOR CENTERS / CITGO: BLVRD - ESSVILLE- PALM BEACH & CLUB KIBRAHACHA
FOR MORE INFORMATION CALL: 593-2880

Participacion grandi di Jinete & Amazona den Feria Nacional



Mas cu 30 Jinete & Amazona a participa den e Feria Nacional organisa pa OCA na Villa Floralina. Un total di 9 Jinete & Amazona a participa den e categoria di Principiante, y mas cu 20 a participa den categorianan regular den competencia basta fuerte.

Na final di e anochi e categoria mas grandi tabata esun di Dueños Montados cu un total di 6 participante cu a sali riba nan propio ehemplar.

E resultadonan a keda como lo siguiente:

Amazonas Principiante 6-8 aña
Mehor: Adeline Lomans
Primer: Mckenzie Tromp

Jinetes Principiante 6-8 aña
Mehor: Aiden Kock
Primer: Jaalen de Palm

Amazonas Principiante 9-11 aña
Mehor: Jurlainey Vrolijk
Primer: Kaylee Pinto

Amazonas Principiante 12-14 aña
Mehor: Allegra Maria
Primer: Eskarla de la Cruz
Segundo: Nelly Marie Hernandez Halley

Amazonas 6-8
Mehor: Sheyxienne Geerman
Primer: Alessia Garcia

Amazonas 9-11
Mehor: Melouanne Sempertiguez
Primer: Emilie Lomans
Segundo: Zaria de Groot
Tercer: Zoe Solagnier
Cuarto: Mia Rose Tromp

Jinetes 9-11
Mehor: Benjamin Soliana

Amazonas 12-14
Mehor: Xyselle Dijkhoff
Primer: Mia Bella Dragonetti Meza
Segundo: Yusverly Penja Castillo

Jinetes 12-14
Mehor: Zachary Coffie

Amazonas 15-17
Mehor: Xielle Koolman
Primer: Courtney Irausquin
Segundo: Sarah Toet
Tercer: Vida Maria
Cuarto: Abigail Wong

Jinetes 15-17
Mehor: Jordy Zievinger

Amazonas 18-20
Mehor: Genesis Pietersz
Primer: Carolina de Cuba
Segundo: Marjolein de Vocht

Amazonas 25+
Mehor: Lea Vink
Dueños Montados
Campeon: Vianney Coffie
Primer: Willem Werleman
Segundo: Genesis Pietersz
Tercer: Brigitte Werleman
Cuarto: Xielle Koolman
Quinto: Abigail Wong

Erdogan ta bay presencia quart final di Euro 2024 entre Hulanda y Turkia *Memey di disputa diplomatico cu anfitrión Alemania*



(AP) — **Presidente Turco, Recep Tayyip Erdogan tin plan pa presencia e wega di quart final di Campeonato Europeo entre Turkia y Hulanda, un oficial a bisa ayera, despues cu un gesto controversial di un hungador di team nacional a inicia un disputa diplomatico entre Turkia y e anfitrión, Alemania.**

puta diplomatico entre Turkia y e anfitrión, Alemania.

Turkia diaranson a manda yama embahador Aleman pa protesta e critica di minister di interior Aleman, Nancy Faeser, contra Merih Demiral, kende a haci un gesto cu su man cu ta asocia cu un grupo ultra-nacionalista. Agencia noticiero Aleman dpa a reporta cu den respuesta, Alemania a manda yama e embahador Turco na Berlin riba diahuebs.

Demiral a anota ambos gol den un victoria 2-1 contra Austria pa sigura un lugar pa Turkia den quart final diasabra. E hungador a haci un gesto cu cada man cu ta reconoci como un simbolo di

nacionalismo Turco despues di anota su di dos gol diamars. E seña ta asocia cu e organizacion Turco ultra-nacionalista Ulki Ocaklari, cual ta conoci mas ampliamente como Wolf Shihishi.

UEFA a bisa cu tabata investigando e “supuesto comportamiento inapropia” di Demiral. No a delinea na ki momento por spera un conclusion di e caso.

Erdogan tabata programa pa atende un reunion na Azerbaijan diasabra, pero a dicidi pa biah pa Berlin pa sostene e team nacional, un oficial a bisa. Vice-presidente Cevdet Yilmaz ta bay representa e lider Turco na Azerbaijan.

VACATURE

CEDE ARUBA is op zoek naar kandidaten voor de functie:



Jongerenwerker EU Projecten

De jongerenwerker ondersteunt bij de selectie van vrijwilligers voor Europese projecten, biedt/begeleidt mentorschap, bemiddelt bij conflicten binnen ESC- en Erasmus+ activiteiten en coördineert de mentorpool. Daarnaast ondersteunt de jongerenwerker buurtcentra en NGO's bij het begeleiden van vrijwilligers en ontwikkelen van jeugdprogramma's. De jongerenwerker faciliteert ook Erasmus+ trainingen en jongerenuitwisselingen.

Belangrijkste taken:

- **Selecteren en begeleiden van ESC vrijwilligers:** Interviews afnemen, mogelijke problemen bij plaatsingen aanpakken, begeleiding en regelmatige check-ins.
- **Bemiddelen bij conflicten:** Ondersteunen tijdens ESC-plaatsingen, Erasmus+ trainingen en jeugduitwisselingen.
- **Ontwikkelen van ondersteuningsstructuren:** Ontwerpen en implementeren van een zorgstructuur, inclusief crisismanagement.
- **Opzetten en coördineren van de mentorpool:** Werven, trainen en coördineren van mentoren.
- **Bijdragen aan jeugdwerkontwikkeling:** Coaching en training van NGO-personeel, voorbereiding en facilitering van Erasmus+ activiteiten en jongerenuitwisselingen.

Vereiste vaardigheden:

- Sterke communicatie, empathie en coachingsvaardigheden.
- Pedagogische vaardigheden en culturele sensitiviteit.
- Interview-, probleemoplossende en beoordelingsvaardigheden.
- Zelfstandig en in teamverband kunnen werken.
- Project- en tijdmanagement, coördinatievaardigheden.
- Advies- en samenwerkingsvaardigheden, programma-ontwikkelingskennis.

Gewenste kwalificaties en eigenschappen:

- Achtergrond in maatschappelijk werk, psychologie of onderwijs.
- Ervaring in jongerenwerk, vrijwilligersmanagement, mentoring of counseling.
- Kennis van zorgstructuren en crisismanagement.
- Ervaring in het faciliteren van workshops.
- Inzicht in European Solidarity Corps en/of Erasmus+ projecten.
- Bereidheid om te reizen.

CEDE ARUBA biedt:

- Een ondersteunend team en dynamische taken.
- Goede arbeidsvoorwaarden en een passend salaris.
- Een internationale werkomgeving met Europese projecten.
- Flexibele werktijden & hybride werkopties voor een gezonde werk-privébalans.
- Doorlopende leer- en trainingsmogelijkheden.
- Open-deur cultuur met een samenwerkingsgerichte sfeer.

Hoe te solliciteren: Stuur je cv en motivatiebrief naar info@cedearuba.org. Voor meer informatie, contacteer Xenia Nieuw via euyouth@cedearuba.org of bel +297-582-7666.

Centro pa Desarojo di Aruba
Beatrixstraat 8, Oranjestad, Aruba
Phone: +297 582-7666 · Email: info@cedearuba.org
Website: cedearuba.org

California ta avansa regulacionnan di seguridad unico pa compania di AI apesar di oposicion di agencia di tecnologia



(AP) - Legisladornan na California a vota pa avance di legislacion diamars cu lo rekeri e companianan di inteligencia artificial (AI) pa test nan sistemanan y a agrega medida nan di seguridad cu ta preveni cu por manipula e sistema.

E proposicion cu ta prome di su tipo tin e meta di reduci e riesgonan cu AI ta crea. E tin oposicion fuerte di e agencianan di capital y companianan di tecnologia incluyendo Meta y Google. Nan ta bisa cu e regulacion ta afecta e desaroyadornan ora cu e mester ta enfoca riba esnan cu ta usa y explota e sistemanan di AI pa causa daño.

Senador Democratico Scott Wiener, ken a skirbi e proposicion lo provee standard di seguridad pa medio di preveni “dañonan catastrofico” di modelonan di AI extremadamente poderoso cu por ser crea den futuro.

E rekisito aki lo aplica solamente na e sistemanan cu ta costa mas di 100 miyon dolar den poder di computer pa train. No tin model di AI actual cu a yega e nivel aki te juli.

Wiener a contraresta e oposicion na su proposicion na un audiencia legislativo diamars, bisando cu e campaña den su contra a plama mal informacion tocante su medida. E

proposicion no ta crea acusacion criminal nobo pa e desaroyadornan di AI kende su modelo a ser explota pa causa daño den sociedad si nan a test nan sistema y a tuma pasonan pa mitiga e riesgonan. “E proposicion aki no ta bay manda ningun desaroyador prizon,” Wiener a bisa. “Mi kier pidi pa stop di haci e acusacion aki.”

Bao e proposicion, solamente e abogado general di e estado por persigui accion legal den caso di violacion.

Gobernador Gavin Newsom a tenta cu Cakifornia ta un adoptador di AI den comienso y regulador, bisando cu e estado pronto por desplega hermentnan di AI pa atende congestion den carretera, haci cayanan mas safe y provee guia di impuesto. Na mesun tempo, su administracion ta considerando reglanan nobo contra discriminacion di AI den practica di contrata. El a nenga duna comentario tocante e proposicion pero a adverti cu demasiado regulacion tambe por pone e estado den un “situacion precario.”

Un coalicion cu ta creciendo di companianan di tecnologia



ta argumenta cu e rekisitonan lo descurasha e companianan for di desaroya sistemanan grandi di AI of mantene nan tecnologia un fuente habri.

“E proposicion aki lo haci e ecosistema di AI menos safe, lo pone den peliger e modelonan open source cu ta depende riba negoshinan chikito, depende riba standard cu no ta existi y introduci fragmentacion regulatorio,” Rob Sherman a bisa, ken ta Vice Presidente y hefe diputado di privadiad a skirbi.

E oposicion kier warda pa mas guanan for di e gobierno federal. Promotornan di e proposicion, kendenan ta

investigadornan di AI conoci, tambe lo crea un agencia di estado nobo pa monitor e desaroyadornan y provee e miho practicanan.

Legisladornan di e estado tambe ta considerando diamars dos medida ambicioso pa sigui proteha e pueblo di California for di e dañonan potencial di AI. Un lo lucha contra discriminacion ora cu companianan usa e modelonan pa evalua hende y ora di huur propiedad. E otro lo prohibi e companianan di rednan social for di colecta y bende data pa hendenan bao 18 aña di edad sin nan consentimiento of esun di nan guardian.

Microsoft lo paga 14 miyon dolar pa aregla acusacionnan cu el a discrimina contra empleadonan cu a tuma verlof

(AP) - Microsoft Corp. a acepta paga 14 miyon dolar pa yega na areglo den caso di acusacionnan cu e gigante di software global a tuma accion contra y a discrimina contra empleadonan cu a tuma verlof proteha manera di mayornan of deshabilidad, California Civil Rights Department a anuncia diaranson.

E areglo cu a propone ta bini for di un investigacion di varios aña ehecuta pa e agencia na California y e decreto di consentimiento cu ta suheta na aprobaicion den corte di estado di Santa Clara County.

E agencia di estado, cual a lansa su investigacion na 2020, a acusa cu empleadonan cu a tuma verlof a causa di embarazo of deshabilidad of pa comparti cu un baby nobo of cuida di un familiar, a ricibi menos bonus y un evaluacion di nan como empleado menos faborabel.

E factornan aki a impacta con eligibel e empleado ta pa aumento di salario basa riba merito y e practica a impacta di manera desproporciona e muhenan y personanan cu tin un deshabilidad, segun e departamento a bisa.

Den un declaracion, departamento di derecho civil su director Kevin Kish a aplaudi e compania “pa sinta na mesa y keda di acuerdo pa haci e cambionan necesario pa proteha e empleadonan na California.”

Microsoft a responde den un declaracion cu e agencia su acusacionnan no ta basa riba berdad, pero lo sigui “tende, siña y sostene e empleadonan.”

Como parti di e acuerdo cu a propone, Microsoft lo tuma pasonan pa preveni discriminacion den futuro, incluyendo training na managernan actualisa. Un consehero di afo lo monitor y duna rapport



riba e compania su cumplimiento.

Mayoria di e placa lo ser duna na e empleadonan afecta. E empleadonan cubri a traha na Microsoft for di mei 13, 2017

y te ainda mester determina un fecha den corte pa aprobacion di e areglo, y ken a tuma por lo menos un verlof protegi bao ley estatal of federal.

Cada empleado eligibel lo

ricibi un pago base di 1,500 dolar cu mas disponibel basa riba factornan manera salario y con hopi tempo nan tin como empleado.

Alemania ta bay investiga eleccion di un compania Chines pa construccion di proyecto energetico

(Infobae) – Gobierno Aleman ta bay investiga seleccion di e compania Chines Ming Yang Smart Energy di parti di e fondo Luxcara pa crea un instalacion di molinanan di biento marino, debi na preocupacion creciente pa e rol cu e companianan Asiatico tin na Europa.

Ministerio di Economia Aleman a sigura cu “a tuma nota” di e acuerdo firma entre ambos parti pa entrega di 16 turbina y a manifesta cu ta bay supervisa “di cerca,” segun un portavoz a splica.

Ademas di e participacion di e compania Chines den un infraestructura considera critico pa interes nacional, Gobierno a indica cu tambe ta bay percura pa garantisa e competencia liber entre mercadonan. Den cualkier caso, e proceso di revision ta forma parti di e “normalidad” di e tipo di procedemento aki, segun e representante gubernamental a splica.

Tambe, diaranson ultimo Berlin a comunica e prohibicion na benta di division



di MAN Energy Solutions (Volkswagen) encarga di fabricacion di turbina di gas na un compania estatal Chines cu vinculo cu industria militar di Beijing.

E plan di benta di operacionnan di MAN na Ober-

hausen (Alemania) y Zurich (Suisa) anuncia dia 20 di juni, a ser blokia pa Ehecutivo di Olaf Scholz argumentando motibonan di seguridad nacional den base na disposicion di e Ley di Pago y Comercio Stranhero.

Camara di Comercio ta muestra su mal contento pa impuesto di autonon electrico. Camara di Comercio di China a bisa ayera diahuebs cu “ta profundamente decepciona” pa impuesto adicional di hasta 37.6% cu Comision Europeo a impone di forma

provisional pa importacion di autonon electrico for di China.

“Nos ta opone firmemente na e medida comercial aki proteccionista politicamente motiva,” Camara di Comercio a señala ayera den un comunicado.

E organisacion a celebra e contactonan cu Comision Europeo y Beijing a mantene na nivel tecnico for di dia cu Bruselas a anuncia su intencion di impone impuesto dia 12 di juni ultimo, y nan ta spera cu lo alcanza “rapidamente un solucion constructivo” prome cu e medida lo drenta na vigor na november. Camara di Comercio a sigura cu imposicion di impuesto na importacion di autonon electrico for di China “no ta bay haci impulso di competitividad den industria manufacturero Europeo,” sino cu ta bay afecta negativamente e mercado Europeo di autonon electrico, ta bay afecta interesnan di consumidor Europeo y ta bay obstaculisa esfuersonan di UE pa reduci emision di carbono.”


Merca: Biden ta sigui lucha pa mantene su candidatura bibo pa reeleccion

(DW) - Presidente Mericano, Joe Biden, diaranson ultimo a bisa cu e ta sigui lucha pa salba su candidatura pa su segundo mandato, extremadamente debilita for di e debate di siman pasa contra su rival republicano Donald Trump, loke a aumenta e presion pa su campaña.

“Ni un hende ta saca mi, mi no ta bay. Mi ta den carera te final y nos lo gana,” e veterano demócrata a bisa.

Cadena di CNN a publica e testimonio di un hende cercano na e presidente di 81 aña ken ta afirma cu e ta “bon” y sa cu e proximo diano ta bay ta decisivo pa sigui den carera pa eleccion presidencial di november.

Diaranson ultimo Biden a convoca gobernadornan demócrata den un intento di cera filanan cerca dje. Gobernadornan di New York, Minnesota y Maryland a sigura cu



a priminti nan apoyo total na e presidente.

Gobernador di Michigan, Gretchen Whitmer, considera como un strea emergente di e partido, a skirbi riba “X” cu “Joe Biden ta nos candidato. E ta bay gana y a mi ta apoye.”

E mandatario a admiti su mal desempeño den e debate cu Trump ora a sigura cu “Ma-

haci fout. Ta 90 minuut den escenario. Wak loke mi a haci den tres aña y mey,” el a bisa. Su portavoz Karine Jean-Pierre ta insisti cu “ta absolutamente falso” cu Biden ta contempla e idea di bandona su carera pa reeleccion.

Entretanto, Trump a burla di e papel di Biden den e debate ora a sigura cu “ta un monoton di caca..” den un video publica diaranson ultimo riba

su cuenta di Truth Social.

“Biden a caba di bandona e carera, a mi a sak’e,” Trump ta bisa pa despues tira palabranan contra e vice-presidente Kamala Harris, “ese y ta nifica cu awor nos tin Kamala, mi ta kere cu e ta bay ta un miho oponente, e ta patetico.”

E campaña di Biden a reacciona na declaracionnan di Trump den cual a condena e

comentarionan di e ex-presidente pa Harris, calificando e di racista y di incita odio pa hende muhe.”

“Pueblo Mericano ya caba a wak un mal despues di otro di parti di Donald Trump. A wak varios biaha su falta di respet pa hende muhe, su odio pa Mericanonan di color scur y su desprecio total pa nos democracia,” e comunicado a bisa.

E imagen di un presidente incoherente, debil y preocupa a keda graba den mente di 50 miyon televidente un siman pasa.

Ni un presidente tabatin mester di un feriado manera Joe Biden mester di esun di ayera di 4 di juli ora ta luchando pa salba su carera politico pero ta core peliger di lo ser supera pa un marea den su contra na medida cu mas demócratanan ta expresa nan duda riba si e lo por vence Trump na november.

Hopi informacion di historia di Oranjestad

Tur aña biblioteca ta organisa su proyecto 'Conta cuenta na Cas di nos Grandinan'. Pa 3 luna ta bishita na total 12 biaha e diferente casnan di nos grandinan, hunto cu 3 escritor of contador di storia local pa deleita e publico presente cu storia bunita y unico.

Un team hopi entusiasma bou coordinacion di bibliotecaria Yosmar Maduro-Sneek a bishita diferente cas di nos Grandinan riba nos isla di april pa juni 2024. Biblioteca a presenta 3 persona bon conoci pa conta storia. Nan ta Sra. Betty Goeloe (ex-bibliotecaria), Sr. Gerry Franca (autor) y Sr. Clifford Rosa (coordinador Fundacion Rancho Aruba). Presentacion



musical tabata den man di Sonrisa Tropical, Hélène Arends y Grupo Zjilea.

Sr. Gerry Franca a presenta e di dos parti di e proyecto 'Conta cuenta na Casnan di nos Grandinan'. Sr. Franca, autor di buki pa mucha, a bishita 4 Cas di Anciano na mei pa conta storia tocante historia di Oranjestad.

Sra. Betty Goeloe a traha na Biblioteca Nacional Aruba pa hopi aña, e.o. den Dept Catalogus y Arubiana. Den cuadro di '75 aña Trabou di biblioteca na Aruba', Sra. Betty Goeloe a wordo invita pa conta historia di biblioteca na Aruba.

Na juni sr. Clifford Rosa a conta algo di historia di Oranjestad. Clifford Rosa, president di Stichting Rancho, tin un trayectoria di mas cu 25 aña trahando como voluntario riba tur tereno, pa asina proteha, cultiva y desaroya e cultura y historia di e bario Rancho. Cual bario ta e principio di Playa, Oranjestad, cu e aña aki ta celebrando su 200 aña di existencia. Clifford Rosa a ricibi e condecoracion di Orde van Oranje Nassau pa su trabou



boluntario cu e ta haciendo. Stichting Rancho a inicia y ta desaroya diferente plataforma. Entre otro e ultimo Plataforma Nacional di Herencia di Slavitud.

Durante e tres lunanan Conta Cuenta a ofrece informacion di historia, 75 aña trabou di biblioteca y 200 aña Oranjestad. Esaki ta e prome parti y e di dos parti a consisti di musica. Sonrisa Tropical bou guia di Sr. Jose (Doedel) Sophia, Duo 'Yega Buta' bou guia di Helene Arends hunto cu Roberto Wernet y cera na Juni cu Grupo Zjilea bou guia

di Chencho Kelly. Gruponan musical a presenta canticnan di antaño, cu sigur a cay na agrado di nos Grandinan.



VOG: Yamada na studiantenan




Ministerio Publico ta haci un yamada na personanan cu ta bay establece nan mes na Hulanda of otro paisnan den exterior den e zomer aki, pa pidi nan carta di buena conducta (VOG) na tempo.

















En special studiantenan cu posiblemente mester nan VOG pa nan (por chempel) inscribi na scol of busca un job. E decision pa cu e VOG

ta dura 2 siman of 14 dia, pues ta importante pa percura pa aplica pa e VOG mas cu dos siman prome cu e dia di vuelo.






Por aplica pa e VOG via www.omaruba.com, cu ta website di Ministerio Publico. E ta costa 40 Florin. Un biaha mas, tene cuenta cu e decision pa e VOG ta dura dos siman. Pues no warda mucho largo pa aplica!


Resultado Sorteo Juli 04			
Cadena Alexander Lottery ta presenta resultado di weganan di suerte			
DIARIO	KORSOU	SUPER4	FLAMINGO
9723	4594	2568	7438
8722	9872	SUPER5	3597
3519	6768	67355	4641

MERDIA

	
Sorteo # 4316	Sorteo # 8285
9550	4075
1894	2653
7766	8491
	
X5	FP
	
Sorteo # 4316	Sorteo # 7329
6449	3838
	
FP	X2
	
Sorteo # 2372	Sorteo # 2034
1600	5909
	
Sorteo # 4316	Sorteo # 6088
9833	8618
Aries	Sagitario
	
Sorteo # 1190	Sorteo # 1018
696	238
	
FP	FP

ANOCHI

	
Sorteo #	Joker Letter
0 x Jackpot	Proximo Jackpot
0 x Match 4+	1.350.000,-
0 x Match 4	
0 x Afl. 12,00	
	17-18-21-24-29
Sorteo # 6522	Proximo Jackpot
0 x Jackpot	64.000,-
3 x Match 4	
161 x Afl 8,00	
	
Sorteo #	Mega Ball
0 x Jackpot	Proximo Jackpot
0 x match 4	330.000,-
0 x Afl. 500,00	
0 x Afl 50,00	
0 x Afl.15,00	
	Afl. 430.000,-
	
Sorteo #	





Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

**Fundacion Contra
Violencia Relacional**
Tel: 583-5400

**Fundacion Autismo
Aruba**

Irenestraat 21 Aruba
297-588-1179

**Fundacion Pa Nos
Muchanan**

Cumana 2 Aruba
297-583-4247

**Fundacion Tel Pa
Hubentud**

Wilhelminastraat 19
Aruba
297-588-6138

**Koningin Wilhelmina
Fonds**

Spinozastraat 9 Aruba
297-582-0412

Mary Joan Foundation

Sabana Blanco 8 Aruba

297-588-9999

Rode Kruis Aruba

Pedro Gallegostraat 14
Tel: 297-582-2219

Fax 588-3376

Famia Planea (SBVO)

Avenida Milio J Croes 17
B Aruba
297-588-9591
www.famiaplanea.org
famiaplanea@hotmail.com

**Stichting Fundacion
Guia Mi**

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081



Dokter na warda

Oranjestad **San Nicolas**
Hospital **Imsan**
7:00 pm / 10:00 pm **24 ora**

Botica na warda

Oranjestad: **San Nicolas:**
del Pueblo Aloe
Tel. 582 1253 Tel. 584 4606

EMERGENCIA **911**

POLIS

Oranjestad **100**
San Nicolas **104**
Santa Cruz **105**
Noord **107**
Tip Line **11141**
Brandweer **115**
Ambulance **911**
Hospital **527-4000**
Imsan **524-8833**
Warda Costa **913**
Seguridad Nacional **11911**
Cruz Cora **582-2219**

BOTICA

Aloe **584-4606**
4 Centro Medico **584-5794**
Central **585-1965**
Dakota **588-7364**
Del Pueblo **582-1253**
Eagle **587-9011**
Kibrahacha **583-4908**
Maria **585-8145**
Di Servicio Noord **586-4606**
Oduber **582-1780**
Paradera **588-6638**
San Lucas **584-5119**
San Nicolas **584-5712**
Santa Anna **586-8181**
Santa Cruz **585-8028**
Sero Preto **584-4833**
Trupial **583-8560**

UTILIDAD

Setar **117**
Web **525-4600**
Elmar **523-7147**

FUNERARIA

Aurora **588-6699**
Royal Funeral H. **586-4444**
Ad Patres **584-2299**
Olive Tree **584-8888**

Servicio di Taxi

**Aruba Transfer Tour &
Taxi C.A.**

Tel: 582 2116 / 582 2010

Taxi Adres Services (24h)

Tel. 587 5900

A1 Taxi Services Aruba

Tel: 587-8850

Tel: 280-2828

Whatsapp: 592-7024

Algun bestia na mundo no tin mester un pareha pa reproduci

**(AP) - Un boa constrictor
na Reino Uni a duna luz
na 14 baby, sin un pareha.**

E ta un milager? E resultado di un aventura secreto? Probablemente no. Muhenan di un especie tin e habilidad di reproduci sin mester di un pareha ni e sperma di un homber. E proceso aki ta yama parthenogenesis, for di e palabranan den Griego pa “virgen” y “parto.”

Algun mata y insectonan por haci esaki tambe, ademas di algun amfibio, reptil, parha y pisca. Un stingray yama Charlotte ta sospecha di a keda na estado via e metodo aki, aunke el a fayece e siman aki.

Algun maribomba y lagadishi ta reproduci solamente via parthenogenesis. Sinembargo den otro especie, e ta poco comun y hopi biaha mira ora nan ta den cautividad.

Esaki ta tuma luga mas comunmente den situacionnan unda e muhenan ta separa di e hombernan, segun Demian Chapman, ken ta dirigi Sharks & Rays Conservation Research Program na Mote Marine Laboratory & Aquarium na Sarasota, Florida.

E boa na Reino Uni, un Rainbow Boa Brasileiro yama Ronadlo, a duna luz siman pasa despues di a ta sin contacto cu otro colebranan pa por lo menos 9 aña, segun City of Porthsmouth College, cual a keda cu e colebra.

Un manera cu parthenogenesis por tuma luga ta si un muhe su webo ta combina cu otrocel, hopi biaha uno cu ta resta for di e proceso cu ta permiti e muhe crea e webo. E cel aki, conoci como un curpa polar, ta duna e webo e informacion genetico cu normalmente e ta ricibi for di e sperma. E cel ta cuminsa dividi y esaki ta causa e crea-



cion di un embryo. Te ainda no ta keda cla con comun parthenogenesis ta den selba, Chapman a co-

menta. Sinembargo el a sosde fuera di cautividad entre piscanan chikito, cu ta un especie den peliger di extincion.

Pronostico di tempo

Tempo:

Parcialmente nubia cu un awasero breve.

Temperatura maximo 34 grado Celsius.

Temperatura minimo 28 grado Celsius.

Indice di calor (heat index) den y rond di oranan di merdia: 35 pa 40 grado Celsius.
UV index: 12.



Bahada di solo: 7:09 pm.
Subida di solo: 6:19 am.

periodo di pronostico aki.

Biento:

Moderata for di direccion oost-noordoost te oost-zuidoost; Forsa 3 te 4 (12 te 30 km/ora, 7 te 16 nudo). Durante di dia basta fuerte te posiblemente fuerte den rafaga; Forsa 5 te 6 (31 te 50 km/ora, 17 te 27 nudo).

Condicion maritimo/ estado di lama:

Na partinan proteje di costa: ketu, rond di 1 pia. Na partinan zuid: trankil te modera entre 3 pa 4 pia. Na partinan oost te noordwest di costa: modera te localmente poco bruto cu olanan alrededor di 5 pa 7 pia den resake cu ta bahando.

Situacion general di tempo:

Humedad laga atras pa un tropical wave por produci algun awasero local durante e

Aviso/ alerta:

Operadornan di boto chikito mester bay cu cautela na partinan oost te noordwest di costa.

For Rent
One-Bedroom, sleep 4 at LCB Resort.
Week 28
(14-21 July 2024)
110 dollars per day.
Call or sms; 297- 7422549

ULTIMO PORCH SALE

Diasabra 7 juli 2024
di 10.00 - 14.00 or
Na Seroe Colorado 1563
NO PERDE!!

218107

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

“Señor ta mi wardador, mi’n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa”.
Salmo: 23

Cu dolor na nos curason, pero conforme cu
boluntad di Dios
nos ta anuncio fayecimento di nos ser stima:



Alex Garnet John Beddo
mihor conoci como: “Alex”
*14-04-1963 - †25-06-2024

Na number di su:

Mayornan:
Magdalen “Britania” Beddo

John “Boy” St. Rose

Rumannan:
Beddo

“J.J” Tromp & yiunan

Koenraad & famia na NL

Beddo & famia

Beddo & yiunan

Rosario & famia

St. Rose & famia na St. Maarten

Prima y primonan, tanta y tionan, subrino y subrinanan y
demas famia na Aruba, Dominica, Hulanda, St. Maarten y
Grenada.
Demas amigo y amiganan cu ta mucho hopi pa menciona.

Pret'i wowo:
Martie “Cheiba” & famia

Amiganan di cas:
& yiunan

Lesandrina & famia

Gronnun

Y demas famia: Beddo, Bidow, St. Rose, Filechec. Tromp,
Koenraad, Del Rosario, Baptist, Martie, Stein, Nicolaas,
Martie, Caton, Morel, Rogers, Dubero, Rodgers, Dupersoy,
Arduin, Maduro, Wongsoeparto, Rasmijn, Thielman y
demas famia

Kier a invita tur conocir pa asisiti na e acto di despedida cual
lo tuma lugar dialuna dia 8 july 2024 2’or pa 4’or di atardi
na Pray Funeral Home na San Nicolaas sigi pa e acto di
cremacion cu lo tuma lugar den seno familiar.

Si den nos tristeza nos or a lubida un of otro miembro di
famia y/of conocir nos ta pidi nos mas sincero disculpa.

† Mary

† Garnet

† Kervin

Gerard

Edgard

Steve

Marta

Erna del

Daphney

Suhaily

Wendy Henriquez

Raiza

Rachael

Aurora


Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

“Señor ta mi wardador, mi’n tin falta di
nada
Den cunucu di yerba berde e ta ponemi
sosega.
E ta hibami na awa trankil,
Pa mi bolbe haña forsa”.
Salmo: 23

Nos ta anuncia fayecimento di:



Dominico Polinario
Bermudez
*04-08-1926 - †04-07-2024

Acto di entiero lo wordo anuncia
despues.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

“Señor ta mi wardador, mi’n tin falta di
nada
Den cunucu di yerba berde e ta ponemi
sosega.
E ta hibami na awa trankil,
Pa mi bolbe haña forsa”.
Salmo: 23

Nos ta anuncia fayecimento di:



Dulce Maria Desbarida
*14-12-1928 - †30-06-2024

Acto di entiero lo wordo anuncia despues.

Aurora

Royal Pray

Funeral Home & Crematory


Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

“Señor ta mi wardador, mi’n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa”.
Salmo: 23

Nos ta anuncia fayecimento di:

Elga Rolanda
Croes
*10-12-1943 -
†27-06-2024

Acto di entiero lo
wordo anuncia
despues.



Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

“Dios ta amor... y amor ta Dios,
maske mi no ta na e mundo aki, tur dia lo mi ta
banda
di boso Curazon, mi por stens di loke Señor ta hasi”
Salmo 33

Ta anuncia fayecimento di:

Juan P. Geerman
Cariñosamente
yama “Juancho”
of “Juan di Pau”
*09-07-1953 - †02-
07-2024

Acto di entiero lo
wordo anuncia
despues



Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Laga tur loke ta spera mi ta bunita
Laga tur locual cu mi encontra na caminda ta
bunita
Laga tur locual cu mi laga atras keda bunita y
Laga esakinan termina den tur bunita.
Cado Wever.

Cu profunfo tristeza na nos curazon nos ta
anuncia

Patrick Alvin
Arnold Thode
*25-09-1965 -
†02-07-2024

Acto di
despedida lo
wordo anuncia
despues.



ROY HELDER SU TRAJECTORIA NA RADIO 1270 ,

Roy Helder un señor narador di futbol.

Roy Helder kende a join e team dinamico di 1270 den transmision di futbol, esta Eddy Daou y Claret Lopez, caminda nan a demostra di tuma e rienda di nara weganan di futbol local y internacional.

Pa nos Roy Helder tabata e miho narado di futbol cu Aruba a conoce.

No solamente na Radio 1270, sino tambe na nos planta nacional Tele Aruba.

Hunto nan a biaha rond mundo pa transmiti wega di seleccion di Aruba su futbol mayor.

Danki na Roy, 1270 a logra haci un triple transmision di futbol simultaneamente; uno for di RCA, for di Guillermo Prospero Trinidad y Lago Sport Park.

Roy a sabi di subi y gana mercado di futbol cosechando masha hopi éxito.

Asina por menciona cu nan a entrevista e tata di Ronald Koeman actual DT di seleccion di Hulanda den Eurocup. Roy a hasta yuda Magic FM cu transmision di mundial.

Cu e fayecimento di Roy mundo di futbol a perde un gran narador, fanatico y conocedor di futbol.

Roy su recuerdo di dedicacion, profesionalidad y amor pa futbol lo biba pa semper den e mundo deportivo y di radio emisoranan.



HAROLD WINSTON HELDER

Cariñosamente yama: "Roy"

*10-9-1950 - † 01-07-2024

QEPD

Te despues Roy,
danki pa tur bo enseñanzanan y
pa a contribui na halsa naracion di deporte.
Sosega na paz, den brasa di nos Creador.



Roy hunto cu su esposa y
su yiunan na hulanda.



Roy hunto cu Carlos Valderrama



Eddie cu Roy riba e famoso
truck di Radio 1270



Roy Helder, hunto cu Eddie Daou qepd,
Chu Halabi y Claret Lopez



Radio 1270 ta transmiti WK
cu Roy via di Hulanda pa Aruba



Momento AVB ta entrega Roy su plakaat

Aurora


Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

"Señor ta mi luz y salbacion, di ken lo mi tin miedo?"
Cu dolor na nos curazon, pero conforme cu boluntad
di Dios,

nos ta participa fayecimento di nos ser stima:



Christiaan Cornelis Lanooij
mihor conoci como "Chris".
*06-12-1952 †26-06-2024

Na number di su:

Casa: Jane E. Lanooij-de Cuba

Yiunan: Jamy C. Lanooij
Jeremy C. Lanooij

Rumannan: Theo Lanooij
Wouter Lanooij

Sobrina: Jennifer Lanooij

Sobrino: Andrew Lanooij

Cuñ: Shirley Lanooij

Tanta: Annie Brouwer-Lanooij

Primo(a)nan: Carla Vinck y yiunan, Betty Mulder-Vinck y Jan Mulder, Zoilita Vinck, Gerard Brouwer y fam., Thea Brouwer, Lila Fornerino †) y casa Norvel Fornerino.

Suegra: Aura V. de Cuba-Arendsz

Demas famia, amistadnan, bisñanan y conocinan na Curaçao, Bonaire, Aruba y Hulanda.

Na tur miembro di coronan: Coro Antiano, Coro Santa Aruba, Coro Melange y Coro Ars Nova.

Na tur miembro di grupo

Oportunidad pa duna condolencia:
diabierna, 05 juli 2024 na Aurora Funeral Home
di 7:00 – 9:00 pm.

Acto di entierro:
diasabra, 06 juli 2024 na misa Sagrado Curazon na
Savaneta di 9:00 – 11:30 am, despues pa santana
na Sabana Basora.

Despues di entierro no ta ricibi bishita di
condolencia na cas.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Mi a biba un bida yen,
Mi a biaha kada kaminda.
I mas, hopi mas ku esaki,
Mi a hasi na mi manera.
Frank Sinatra

Cu inmenso tristesa nos ta anuncia
fayecimento di nos ser stima:



Harold Winston Helder
Cariñosamente yama: "Roy"
Director general di RMH Special Security
Team N.V.
*10-9-1950 – †01-07-2024

Na number di su:

Pareha:
Elly Jongman

Yiunan:
Harold (Tunky) Helder & Kimberly Boekhoudt
Rosetti Helder
Darrell & Natasha Helder - Kelly
Winston Helder & Tiny Eckmeyer
Cai Helder
Derk Helder

Nieto y Nietanan hopi stima:
Desteny, Dylan, Angelly, Mia, Milan, Melody & Sky

Rumannan:
Magda Helder
Win & Betty Helder - Koc
Miriam Helder

Manera ruman:
Jos Paesschen y famia
Furu, rumannan & demas famia

Sobrino & sobrinanan
Emile, Clifton, Rose Anne, Christie, Elisabeth
& famia

Manera yiu:
Mario Barros

Ihanan, primo y primanan na Aruba, Corsow, Boneiro,
Merca y Hulanda.

Su bon amigonan di Caravel y e mundo di futbol.
Amigonan di Radio Kelkboom y Radio 1270 y e mundo di
radiodifusion.
Su coleganan di RMH Special Security Team N.V.

Famianan:
Helder, Loopstok, Jongman, Chang, Tromp, Erasmus,
Upegui, Gomez, Werleman y tur demas famia, mucho pa
menciona.

Acto di despedida lo tuma lugar diabierna 5 Juli na Royal
Funeral Home
for di 6 'or – 9 'or di anochi.

Acto di entierro lo tuma lugar diasabra 6 Juli na Cathedral di
San Fransico na Playa for di 12 pm pa 3:00 pm. Response
lo ta di 3:00 pm – 3:30 pm. Despues di response lo sali pa
Santana Católico na Playa.

Nos disculpa si den nos tristesa nos a lubida algun persona.
Despues di entierro no ta ricibi bishita di condolencia na
cas.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Mi Dios, Mi Señor, Mi Salbador
Cu Bo amor infinito tenemi den Bo braza
Ya no tin scuridad
Unicamente Bo Luz briyando

Cu dolor na nos curason nos ta anuncio fayecimento
di nos mama, suegra, wela, bisawela y tanta stima:



**Sra. Hortencia "Tencha"
Henriquez**
*29 september 1939 †1 juli
2024

Na number di su
yiunan:

Iris y Roque
Jorge y Karin
Nelson Y Inge
Richard y Esther
Marisol y Douglas

Nieto(a)nan:
Bryan, Jason, Aaron, Xenia, Bibi-Jane, Rodney,
Sürinda, Raymon, Rik, Linda,
Malcolm, Jessie

Bisanieto(a)nan:
Luna, Aeden, Rylee, Bjorn

Amiga:
Lucilla Croes

Sobrino(a)nan y demas famia y conocirnan

Un gradicimento special di curazon pa Anna
Werleman y Nueva Coutinho pa e cuido y amor
pa Tencha

Ta invita pa acto di despedida cu lo tuma lugar
diamars 9 di juli 2024 na Aurora Funeral Home
di 2pm pa 4pm. Cremashon lo tuma lugar den
seno familiar

Nos disculpa si den nos tristeza nos por a
lubida algun famia of ser kerí.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

“Señor ta mi wardador, mi n’ tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haya forsa.”
Salmo: 23

Cu dolor na nos curason nos ta anuncio fayecimento di nos
mama, wela, bisawela,
ruman y tanta stima:



Marian Louisa Andrews
*03-12-1933 - †27-06-2024

Na number di su:

Yunan:

Orma Tingling-Jackson y esposo Vernon na Merca
Selina Jackson na Merca
David Jackson y señora Vitalinda
Alicia Trinidad-Jackson y esposo Siegfried
Rosalva Jackson
Clarina Jackson
Lorenzo Andrews y señora Monique na Hulanda

Nieto y nietanan:

Daniel Morris na Merca
Gabriella, Deidrick, Keisha Smith na Merca
Kevin Anthony na Sint Lucia
Anthony y señora Samantha, Miriam Trinidad
Nailah, †Mayron “Tula”, Rheliana Bayne
Elize Leonard
Liön, Leannard, Demy na Hulanda

Bisnieto y bisanietanan:

Ezra, Kishanti, Jordan, Ebony, Luke Browne
Aliya Trinidad

Ihanan:

Yolanda Peters na Sint Vincent, Charmain Andrews
Rumanan:
†Solomonon Andrews y †Elsie
†James Andrews y Lucy Almonte na Hulanda
†Jestina “Beatrice” Craigg-Andrews y †Odriel
†Nathaniel “Natha” Andrews y Valrene na Saint Croix
†William Andrews y Melesie na Paraguay
†Ezekiel “Ziek” Andrews y †Cornelia Andrews-Stoof
Reginald “Regi” Andrews y †Unita Andrews-Priest
Victoria “Toya” Andrews y Edwin Boutisma
†Julius “Toonchi” Andrews y Rhona Williams
†Ferdinand “Ferdi” Andrews y Ingrid Andrews-Gomez
Olivia Muhummad-Andrews y †Eugene na Merca
Madeline Andrews na Merca
Paulina “Nelly” Heemstadt

Sobrina y sobrinonan na Aruba:

Mary, Ruth, Haydee Andrews; †Phillip, †Reuben y Etty Craigg-
Lourens, Judith Hazel-Craigg y Irvin, Elizabeth Craigg; Vanchi,
Esther, Victor Andrews; Jose Hooi; †André y Winnie Pak-Farro,
Silvio, Julio Andrews; Corina Andrews; Charmain, Xiomara
Berkel, Alvaro Andrews y Mila Gomes; Alwyn, Ralph, Raphael,
Errol Andrews; Sharlene Andrews; Ricardo y Crisienne Illidge-v/d
Biezen, Wilfrido, Hubert, Charlotte Heemstadt;
Sobrina y sobrinonan na Hulanda, Merca, Corsow, Sint Vincent,
Sint Kitts, Sint Croix y Hawaii: Jennelle, Kathi, David, Naomi,
†Joan, Juliette, Andres, Giovanni, Ismaël, Alicia, Rocky, Ricky,
Fidelia, Edith, Ria, Jacky, Graciela, Maruschka, Coleen, Nicole,
Lucretia, Claudia, Michelle, Solomon, Christina, Ahmad, Khadijah,
Daniel.

Demas famia:

Andrews, Marinus, Lynch, Scott, Mercera, Willis, Exposito, Maria,
Dirks, Geerman, Carti, Prescott, Howard y Nedd.

Ta invita tur famia, bisiña y conocir pa asisti na acto di entierro cual
lo tuma lugar diasabra 6 di juli. For di 9or nos defunto stima lo
ta reposa den Misa Wesley Methodist Church na Longfellowstraat
3. Respons ta cuminsa 10:00 despues ta sali pa santana na Sabana
Basora.

Nos ta lamenta cu despues di entierro nos no por ricibi bishita di
condolencia na cas.

Den nos tristeza nos por a lubida algun famia. Nos disculpa.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Laga tur loke ta spera mi ta bunita
Laga tur locual cu mi encontra na caminda ta
bunita
Laga tur locual cu mi laga atras keda bunita y
Laga esakinan termina den tur buniteza.
Autor: Cado Wever.

Cu inmenso dolor na nos curazon
Pero conforme cu Dios su boluntad
nos ta anuncia fayecimento di nos ser stima:



Michael Roland Dijkhoff
Carinosamente yama “Maikel”
*31-07-1963 - †22-06-2024

Na number di su

Mayornan:

†Alberto “Bebe” Dijkhoff y sra. Mena Dijkhoff-
Lacé

Rumannan:

Albertica Dijkhoff y famia
Richard y Jennifer Dijkhoff Tromp y famia
Stanley Dijkhoff
Dennis Dijkhoff

Subrinonan stima:

Chris Dijkhoff y Vivian Dirks y famia, Joshua
Dijkhoff, Shakira Dijkhoff y Darvin Franken,
Lytsy Enser, Ibsen Enser, Shawn Tromp

Tanta y omonan:

Fichi Lacé y †Violeta Lacé- Lampe y famia
Otilio Lacé y †Juana Lacé- Werleman y famia
Rafael Lacé y †Maria Lacé- Ridderstap y famia
Elviro y Monica Lacé-Torres y famia
Frida y †Chinto Werleman- Lacé y famia
Jolanda Lacé y famia
Ludwina y Maikel Drumm-Lacé y famia
†Glenda y Frenk Cornelie-Lacé y famia
Miranda y Hubert Kock-Lacé y famia
†Maria y †Wichi Koolman-Lacé y famia
Simona y †Abigael Torres-Dijkhoff y famia
†Lika y †Fechi Bareño-Dijkhoff y famia
Beatriz Dijkhoff y famia
†Chani y Clea Dijkhoff- v/d Biezen y famia
†Filomena Dijkhoff y famia
Sofia Dijkhoff y famia
Reynaldo (Adi) y Rita Dijkhoff- Werleman y
famia
Rofina (Ina) y Jan v/d Kommer-Dijkhoff y
famia
Pablo y Vilma Dijkhoff-Croes y famia
Edna Dijkhoff

Primo y primanan, y demas famianan na Aruba,
Hulanda, Schotland, Curacao y Merca.

Amigonan stima:

Ruth Fingal, Royce Lynn y Joshua Croes-Fingal,
Frans y Livia Velasquez y famia, Jorge “Ollie”
y Helen Dirksen y famia, Hector Gonzalez y
famia,
Amigonan di campamento “Tranquilo Camping
Crew”
Yolanda Verbecke

Ta invita tur famia, amigo y bisiñanan pa
compaña nos na e acto di entierro cual lo tuma
lugar na
Aurora Funeral Home diabierna 5 di Juli 2024 di
2’or pa 4’or di atardi, despues lo sali pa Santana
Catolico Pastoor Kraanwinkel na Paradera. Nos
difuntu stima lo reposa na su cas na Piedra Plat
83-C di 11’or y mey di mainta pa 1’or di atardi.

Nos disculpa si den nos tristeza nos por a lubida
algun familiar of amigo.

Despues di entierro nos no por ricibi bishita di
condolencia na cas.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

“Dios ta amor... y amor ta Dios,
maske mi no ta na e mundo aki, tur dia lo
mi ta banda
di boso Curazon, mi por stens di loke
Señor ta hasi”
Salmo 33

Ta anuncia fayecimento di:



Alexander F. Moore
*06-05-1968 - †20-06-2024

Cremacion a tuma lugar na Aurora
Funeral Home den seno familiar.

SETAR ta participa fayecimento di:


Sr. Mathias Koolman

Tata di nos colega Raymond Koolman,
Technicus Cell Sites.

Gerencia, Staf y Personal di SETAR N.V.
ta extende palabra di condolencia na
Raymond y demas famia.



COOL IT DOWN



All in one AC offer, starting from

AWG. 155,-
per month.

This offer will be a package deal that will include the Airco, Delivery and Installation with a 12-month plan (with the option to go till 36 months). Offer with 12-months plan; you pay 11 months on time and skip the last payment.

Get up to
10% OFF
on cash

Get up to
36% OFF
on 36-month credit

On location:
Pop, Tent, tables chairs and entertainment audio system in front of stores